



INATSISARTUNUT ILITSERSUUT

2018



Imarisai

Kapitali 1	Siulequt	2
Kapitali 2	Inatsisartuni sapaatip akunnera siulleq	4
Kapitali 3	Inatsisartut Siulittaasoqarfiat	6
Kapitali 4	Inatsisartut ataatsimiittarnerat	10
Kapitali 5	Ataatsimiititaliat	22
Kapitali 6	Aallartitat, siunnersuisoqatigiit aalajangiisartullu	36
Kapitali 7	§ 37 naapertorlugu apeqqutit.....	40
Kapitali 8	Inatsisartuni partiit.....	42
Kapitali 9	Najuutingikkallarneq.....	48
Kapitali 10	Inatsisartut Ombudsmandiat	52
Kapitali 11	Inatsisartut Allattoqarfiat - suliassat allattorsimaffiat	56
Kapitali 12	Pissutsit suliassanut tunngasut.....	62

Inatsisartut Allattoqarfiannit saqqummiunneqartoq
Maaji 2018

Assit tamarmik: Inatsisartut Allattoqarfiat

Inatsisartut Allattoqarfiat · Postboks 1060 · 3900 Nuuk
inatsisartut@inatsisartut.gl · www.inatsisartut.gl

1

Siulequt

Asasara Inatsisartunut ilaasortaq

Matumuuna Allattoqarfik sinnerlugu tikilluaqqujumavakkit.

Inuiaqatigiinni nutaaliaasuni tamanillu oqartussaaqataaffiusuni inatsisiliorneq paasiuminartuusariaqarpoq, tunngavilersorluagaalluni qaffasissumillu pitsaassuseqarluni.

Inatsisilianik akuersissutiginninniarluni suliaqarneq inatsisit maleruagassallu atuuttut naapertorlugit pisariaqarpoq aammalu inuiaqatigiinni innuttaasunut tamanut tunngavissiisuusariaqarluni. Piumasaqaatit taakku naammassineqarnisaat Inatsisartunit Naalakkersuisunillu ataatsimoorullugu pisussaaffiuvoq.

Neriuutigaarput Inatsisartuni inatsisiliornermik naalakkersuinermillu suliaqarnermi tunngaviit, minnerunngitsumillu Inatsisartut Naalakkersuisullu akornanni suliaatit agguataagaanerisa ilitsersuummi allaaserineqarnerat nassuiaatigineqarnerallu iluaqutaajumaartoq.


Taamaattumik ilitsersuummi allaaserisat inatsisinut Inatsisartut Naalakkersuisullu atuunnerannut maleruagassiisunut naapertuupput.

Taamaamat neriuutigaarput ilitsersuut sukumiisumik atuassagit. Tamanna aamma partiit allatseqarfiinut allanullu inatsisiliorluni suliaqarnermik soqutigisaqarsinnaasunut atuuppoq.

Sulinermi pissutsinik assigiinngitsunik ingerlatseriaatsit Inatsisartut Siulittaasoqarfiata ukiut ingerlaneranni aalajangersarsimasai ilitsersuummi aamma nassuiaatigineqarput.

Taamaamat neriuutigaarput ilitsersuut sulininni iluaqutigumaarit.

Atuarluarina.



Ellen Kolby Chemnitz
Inatsisartut allattaanerat

2

Inatsisartuni sapaatip akunnera siulleq

Inatsisartuni sapaatip akunnerani siullermi eqqaamassavat

- inuttut paasisutissat Allattoqarfimmut tunniunnissaat (Inuup normut, najukkannut paasisutissat, oqarasuaatinnut normuutitit, aningaaserivimmi kontunnut normut, akileraartarnermut allagartat il.il.)
- ilinniakkat suliffigisimasallu pillugit paasisutissanik immersuiviup immersornissaa Inatsisartullu Allattoqarfiannut tunniunnissaa
- inuussutissarsiutivit aningaasaqarnikkullu soqutigisavit Inatsisartut Allattoqarfiannut nalunaarutiginnissaat (inatsisitigut pisussaaffik)
- nittartakkami/isisummullu atugassamik paasisutissiisarnermut suliniutinullu immikkoortortami assilisinnissat
- Inatsisartut Allattoqarfiannit aqqissuunneqartumik tikilluaqqussutitut pikkorissartitsinermit peqataanissat

Qulaani pineqartut uani erseqqinnerusumik takukkit; **Pissutsit suliassanut tunngasut.**

UNGALOQ 1

Inummut paasisutissat, llinniakkat, suliffigisimasat aningaasaqarnikkullu soqutigisat pillugit paasisutissat qarasaasiakkut immersuunneqassapput.

Imatut iliussaait:

- immersugassat uunga aakkit; intra.ina.gl/immersugassat
- qarasaasiannut toqqoriarlugit immersukkit
- pappialamut anisikkat atsiorlugillu
- Inatsisartut Allattoqarfianni Siulittaasoqarfiup allatseqarfianut tunniutikkat

3

Inatsisartut Siulittaasoqarfiat

Siulittaasoqarfiup inuttarai Siulittaasoq siulittaasullu tullii sisama Inatsisartunit qinerneqartut. Qinersereermermi inissitsiterfiusumik ataatsimiinnermi Siulittaasoqarfimmut qinersisoqartarpoq, tamatumalu kingorna ukiut tamaasa Inatsisartut ukiuata aallartinnerani (septembarimi). Siulittaasoqarfik – partiinut, qinigassanngorteqatigiinnut kattusseqatigiinnulluunniit ataasiakkaanut sinniisuunani – Inatsisartunut tamarmiusunut sinniisuuvoq.

Siulittaasoqarfik Inatsisartut sinnerlugit avammut kiinnertuuvoq - peqatigitillugulu Inatsisartuni sulinerup illersorneqarsinnaasumik aqqissorneqarlunilu ingerlanneqarnissaa isumagisassaralugu. Siulittaasoqarfik tamatumani suliassanik suugaluartunilluunniit Inatsisartunut Inatsisartunullu ilaasortanut tunngaviusumik pingaarutilinnik suliarinnissinnaavoq, tamatumunnga ilanngullugu Naalakkersuisunik pissusissamisoortumik suleqateqarsinnaaneq. Siulittaasoqarfik Inatsisartut ataatsimiinnissaannut oqaluuserisassanik aalajangersaasuvoq – Inatsisartullu ataatsimiittarfianni isumaqatigiinniarnerni aqutsisuusarluni.

UNGALOQ 2

Akisussaaffiit suliassaqarfiillu allat (assersuutit):

- Inatsisartunik ingerlatsinermermi Naalakkersuisunut - aammalu naalagaaffeqatigiinnermut, Folketingimut Savalimmiumilu Lagtingimut - ataqatigiissaarineq.
- nunami namminermermi nunanilu allani pisuni, assersuutigalugu Folketingimi ammaanersiornermermi Inatsisartunut sinniisuuneq
- Inatsisartunut pisortatigoortumik tikeraartoqarnerani tikeraartitsuuneq
- Namminersorlutik Oqartussat nersornaasiuttagaannik Nersornaammik nersornaasiisarneq
- ataatsimiititaliat angalanissaannik, sulinngiffeqarallarnissamik il.il. qinnuteqaatinik suliarinnineq
- qinnuteqaatinik aningaasartuutaaffiusassanik suliarinnineq, soorlu:
 - oqaatsinik pikkorissarnissamut (kalaallisut, danskisut, tuluttut)
 - tarnip pissusaanik ilisimasalimmit ikiorneqarnissamut (qinigaaffimmi ataasiarluni nal. ak. qulit tikillugit)
 - atonerluinermit katsorsartinnissamut (Inatsisartunut ilaasortanut ataasiakkaanut ataasiarluni – kiisalu nakkaateqqinnermi ataasiarluni)

Qinnuteqaatit aningaasartuutaasussat Inatsisartunut maannakkorpiaq ilaasortaasunit nassiunneqartut kisiisa Siulittaasoqarfiup akuerisinnaavai. Taamaalilutik ilaasortat sulingiffeqarallartut qinnuteqaatimik akuerineqarnissaat naatsorsuutigisinnaangilaat. Tamatumali peqatigisaanik qinnuteqaatit akuerinissaat Siulittaasoqarfiup pisussaaffingnilaa. Tamannarpiarlu pissutigalugu Inatsisartunut ilaasortap qinnuteqaatimi akuerineqarnissaa piumasaqaatigisinnaangilaat.

Inatsisartut Siulittaasoqarfiat partiit kattusseqatigiilluunniit Siulittaasoqarfimmi ilaasortaataqanngitsut tamarmik immikkut sinniisuutitaat Inatsisartunit qinikkat peqatigalugit Inatsisartut Suleriaaseq pillugu Ataatsimiititaliaattut atuuppoq. Ataatsimiititaliap suleriaatsimut, taassumalu allangortinneqarnissaanut tunngassuteqartut suliarisarpai, tamatumalu peqatigisaanik Inatsisartut missingersuutaasa akuerineqarnissaannut pingaarnertut akisussaasuulluni.

Siulittaasoqarfimmut saaffiginnissutit - ilaasortanut ataasiakkaanut nassiunneqaratik - uunga nassiunneqassapput; ina@ina.gl. Saaffiginnissutit piffissaaluartillugu, minnerpaamillu nalunaquttap akunnerinik 24-nik piffissaqartitsilluni nassiunneqassapput.

4

Inatsisartut ataatsimiittarnerat

Qinersisoqareernerani piaarnerpaamik kingusinnerpaamillu ullut 45-t qaangiunneranni Inatsisartut inissitsiterfiusumik ataatsimiigiqquneqassapput. Aallaavittut Inatsisartut ukiuanni Inatsisartut ukiumut marloriarlutik ileqquusumik ataatsimiittarput (upernaakkut ukiakkullu) – aammali Inatsisartut Siulittaasuata pisariaqarsorigaangagu immikkut ittumik ataatsimiitinneqarsinnaasarlutik. Kiisalu Naalackersuisut Siulittaasuata imaluunniit ikinnerpaamik Inatsisartunut ilaasortat affaasa piumasarippassuk Inatsisartut ataatsimiigiqquneqassapput.

Namminneq nalunneqatiginnissuseq

Inatsisartunut ilaasortat sulinerminni namminneq nalunneqatiginnissusertik kisiat tunngavigissavaat. Taamaalluni ilaasortaq nammineq nalunneqatiginnissutini isummanilu tunngavigalugit qanorluunniit taasisinnaavoq – Tak. Inatsisit Tunngaviusut (§ 56) kiisalu Inatsisartut Naalackersuisullu pillugit inatsit (§ 5). Ilaasortarli amerlanertigut partiimi qinersisimilu isumaqatigisinnaasaanik taasisarpoq.

Oqaluuserisassani immikkoortut

Inatsisartut ataatsimiinnissaat sioqqullugit oqaluuserisassat suliarineqartarput. Oqaluuserisassat Inatsisartut ataatsimiinnissaannik immikkoortunillu oqaluuserisassanut ilanngunneqartunik takussutissiipput. Inatsisartut ataatsimiittarfianni oqaluuserineqartut immikkoortunik taaneqartarput. Immikkoortut makku oqaluuserisassanut ilanngunneqarsinnaapput:

- Inatsisartut inatsisissaattut siunnersuutit
- Inatsisartut aalajangiiffigisassaattut siunnersuutit, taakkunungalu ilanngulugit nunani tamalaani suliniaqatigiiffinit kaammattuutit tapersernejarnissaannik siunnersuutit aammalu nunat tamalaat isumaqatigiissutaasa il.il. kiisalu danskit inatsisaasa Kalaallit Nunaannut atortussanngortitassat Inatsisartunit oqaaseqarfigineqarnissaat pillugit siunnersuutit
- Apeqquteqaat aallaavigalugu oqallisissatut siunnersuutit
- Nassuiaatit
- Ataatsimiititalianut, siunnersuisoqatigiinnut, aalajangiisartunut, Siulittaasorarfimmuut aamma Naalackersuisunut ilaasortassanik qinersinerit
- Sapaatit akunnikkuutaartumik akunneq Naalackersuisunut apeqquteqarfik


Inatsisissatut siunnersuutit aamma aalajangiiffigisassatut siunnersuutit oqaluuserineqartarnerannut tunngatillugu **takussutissiaq 1/2** takuuk. Inatsisissatut siunnersuutit aamma aalajangiiffigisassatut siunnersuutit arlaleriarlutik oqaluuserineqartarnertik taasisutigineqartarnertillu allaanerussutigaa. Apeqquteqaalli aallaavigalugu oqallinnermi apeqqummut aalajangersimasumut Inatsisartunut Naalackersuisunullu ilaasortat tunngaviusumik isummersuutiminnik saqqummiussisarput. Tamatumani apeqquteqaat aallaavigalugu oqallisissiaq inuiaqatigiinni annertuumik pingaaruteqarnermi saniatigut sammisamut maanakkut pineqartumut tunngassuteqartarpoq.

TAKUSSUTISSIAQ 1

Inatsisartut ataatsimiinnerat

INGERLARIAASEQ

AAMMALI IMATUT PISINNAAVOQ




Inatsisartut ataatsimiinnerat

INGERLARIAASEQ

Siullermeerinnineq

Aappassaaneerinnineq

AAMMALI IMATUT PISINNAAVOQ




Nassuiaat tassaavoq nalunaarusiaq nassuiaasiarlunniit amerlanertigut allakkatigut saqqummiunneqartartoq. Naalakkersuisut namminneq kajumissutsiminnik pissutsit tamanut tunngasut pillugit nassuiaasiorsinnaapput aammali – aalajangiiffigisassatut siunnersuummik akuersissuteqartoqarneratigut – pissutsit aalajangersimasut pillugit nassuiaasioqqullugit peqquneqarsinnaallutik. Nassuiaat taamaalilluni aallaavittut isumaqatigiinniutigineqarneq ajorpoq taamaallaalli Inatsisartunut ilaasortanut agguanneqartarluni. Nassuiaatilli ilaat Inatsisartut Ataatsimiittarfianni tamatigut oqaluuserineqartarput:

1. Naalakkersuisut Siulittaasuata Inatsisartut ukiuata aallartinnerani Inatsisartunut nassuiaataa
2. Naalakkersuisut Siulittaasuata Inatsisartunut qinigaarlanut nassuiaataa
3. Nunanut allanut tunngasumik nassuiaat
4. Aningaasaqarnikkut ingerlatsineq pillugu nassuiaat
5. Nassuiaatit inatsisit malillugit Naalakkersuisunit Inatsisartunut saqqummiunneqartussaataitaasut, taakku isumaqatigiinniutigineqarnissaat Naalakkersuisunit kissaatigineqarpat.

UNGALQ 3: INATSISIT TUNNGAVIGALUGIT TULLERIAARNERIT

Inatsisit aalajangersakkallu assigiinngitsut tunngavigalugit tulleriaarnerit eqqortut taakkulu imminnut attuumassuteqarnerat:



Inatsisit tulleriaarnerisa malitsigisaanik Tunngaviusumik Inatsit – inatsisinit, nalunaarutinit, kaajallaasitanit najoqqutassanillu salliullunilu pingaarneruvoq. Taamatuttaaq inatsisit, nalunaarutinit, kaajallaasitanit ilitseruutinillu il.il. pingaarnerupput.

Tunngaviusumik Inatsit Danmarkimut, Savalimmiunut aamma Kalaallit Nunaannut atuuppoq. Kalaallit Nunaanni namminersorneq Inatsisit Tunngaviusut killiliussaasa iluini namminersorneq pillugu (2009-mi) inatsisiliornikkut pilersinneqarpoq.

Namminersorlutik Oqartussani pissaaneq inatsisiliortunut (Inatsisartut) aamma atuutsitsisunut (Naalakkersuisunut) agguataagaavoq. Tassa imaappoq Inatsisartut inatsisinit akuersissutiginnittarput tamatumalu kingorna inatsisit Naalakkersuisunit atuutsinneqartarlutik. Tamatumani Naalakkersuisut – inatsisit

Inatsisartut ileqqusumik ataatsimiinneranni oqaluuserisassani immikkoortoq aalajangersimasoq tassaavoq sapaatit akunnikkuutaartumik akunneq Naalakkersuisunut apeqquaqarfik. Akunneq apeqquaqarfik nalinginnaasumik pingasunnornikkut ingerlanneqartarpoq, tasanilu Inatsisartunut ilaasortat oqaasiinartigut aamma nalunaarutigeqqaarnagu Nalaakkersuisunut ingerlaannaq akissassanik apeqquaqarsinnaapput. Naalakkersuisup pineqartup apeqquaqarfik ingerlaannaq akissinnaanngippagu Naalakkersuisup kingusinnerusukkut allakkatigut akissuteqarnissani toqqarsinnaavaa. Apeqquaqarfik ataasiakkaarlugit ingerlanneqartarput, tamatumani partii anginerpaaq aallarniisuusarluni partiillu ataasiakkaat apeqquaqarfik ataasiakkaani ataasiarlutik aperisinnaallutik.

tulleriaarnerisa malitsigisaanik – aalajangiisinaatitaapput, aalajangiinerilli inatsisinit tunngaveqassapput aammalu inatsisitigut killiliussanut Inatsisartunit aalajangersarneqartunut akerliunngilluinnassallutik.

Malittarisassanik erseqqinnerusunik aalajangersaaffiunermikkut nalunaarutit inatsimmik timitaliinnermut atorneqartarput. Nalunaarutit Naalakkersuisunit atuuttussanngortinneqartarput – taamaalillutillu oqartussaaffinnut Inatsisartunit Naalakkersuisunut ingerlatassanngortinneqartunut ilaallutik. Nalunaarutit inatsisit naapertorlugit oqartussaasunut innuttaasunullu pituttuisuupput – aatsaallu inatsimmi aalajangersakkakkut tamatumunnga piginnaatitsineq ersarissumik allassimappat atuuttussanngortinneqarsinnaalluni.

Kaajallaasitat imaluunniit atorfilinnut peqqussutit, soorlu aamma taamatut taaneqartarput, malittarisassat oqartussaasunut sammitinneqaraangata atorneqartarput. Kaajallaasitat / atorfilinnut peqqussutit innuttaasunut pituttuisuunngillat. Oqartussaasut kaajallaasitamik atuuttussanngortitsisut pisut ilaanni kaajallaasitamit immikkut ittumik akuersissuteqarsinnaasarput – aatsaalli tamatumunnga tunngavissaqarluarpat.

Ilitsersuutit najoqqutassalluunniit oqartussaasunut aamma innuttaasunut sammitinneqarsinnaapput. Malittarisassat imarisaannik tunuliaqutaannillu ilisimatissuteqarnermi aammalu malittarisassat qanoq paasineqarlutillu aqutsivigineqarnissaannik paasissutissanik nalunaarutiginninnermut atatillugu ilitseruutit ilusiliineq atorneqassaaq. Ilitsersuutit innuttaasunut pituttuisuunngillat.

Ilusiliinissamat piumasaqaatit

Immikkoortoq Inatsisartut ataatsimiinneranni ilanngunneqassappat ilusiliinissamat piumasaqaatit naammassineqarsimassapput. Ilusiliinissamat piumasaqaatit Siulittaasoqarfimmit aalajangersarneqartarnermik saniatigut Inatsisartut Sule-riaasiatigut aalajangersarneqartarput. Ilusiliinissamat piumasaqaatit sukkulluun- nit atuuttut pillugit nassuiaat uani nassaarineqarsinnaavoq; www.ina.gl-imi

Maleruagassat pingaernerit tassaapput:

- Inatsisartut inatsisissaattut siunnersuutit inatsisissatut ilusiligaassapput aammalu nalinginnaasumik nassuiaatitaqarlutillu immikkut nassuiaatitaqas- sapput, tassungalu ilanngullugu siunnersuutip aningaasaqarnikkut allaffissor- nikkullu kingunerisassa allaaserineqarsimassallutik
- Inatsisartut aalajangiiffigisassaattut siunnersuutit aalajangiiffigisassatut ilusiligaassapput, tassungalu ilanngullugu siunnersuutip aningaasaqarnikkut allaffissor- nikkullu kingunerisassa allaaserineqarnerannik imaqtumik tunngavilersuuteqassallutik.
- Apeqquteqaat aallaavigalugu oqallisissatut siunnersuutit aalajangersimasu- mik ilusiligaassapput, tassungalu ilanngullugu tamanut attuumassutilinnut tunngasuussallutik.

Siunnersorneqarnissaq ilitsersorneqarnissarlu pillugit Inatsisartut Allattoqarfia- taveqarfigineqassaaq. Inatsisartunut ilaasortaq siunnersuutimi ilusilersorne- qarnera pillugu ataatsimiititaliamut allatsimit qaqugukkulluunniit ikiorneqarsin- naavoq. Ilusiligaaneratali misissorneqarnissaanut siunnersuutip nassiuqqan- ginnerani partiip allattaannit suliamut naalakkersuinerimullu tunngasumik siunnersorneqaaqartarnissaq kaammattuutigineqarpoq. Piffissaallu- artilillugu kingusinnerpaamillu ataatsimiinnissaq sapaatit akunnerinik arfineq- marlunnik sioqqullugu saaffiginittuqassaaq. Siunnersuutit ilusiligaanikkut misissorneqar- tussanngortitat ina@ina.gl-imut nassiuqqan- tassapput.

Nalunaarutiginninnissamat killissarititaasoq

Immikkoortut Inatsisartut ataatsimiinnissaanni oqaluuserisassanut ilanngunne- qarnissaat qinnuteqaatigisat Inatsisartut ataatsimiinnissaata aallartinnissaa kingusinnerpaamik sapaatit akunnerinik tallimanik sioqqullugu nal. 12.00 Inatsi- sartut Siulittaasuannut saqqummiunneqarlutilluunniit tunniunneqarsimassapput. Immikkorluinnaq ittumik pisoqartillugu nalunaarutiginninnissamat killissaritita- sumik qaangiinnissaq Siulittaasoqarfiup akuersissutigisinnaavaa, tassa pissutsit immikkorluinnaq ittut pissutigalugit nalunaarutiginninnissamat piffissaliussa- q eqquutsinneqarsinnaanngitsoq Siulittaasoqarfik nalilippat.

Apeqquteqaat aallaavigalugu oqallisissatut siunnersuutit tunniussivissamik piffissaliinnermut ilaatinneqanngillat. Apeqquteqaat aallaavigalugu oqallisissatut siunnersuutit taamaallutik Inatsisartut ataatsimiinneranni ingerlaavartumik tunniussuunneqarsinnaapput – taakkuli aallaavittut isigalugu Siulittaasoqar- fimmut tunniunneqarnermik suliarineqarnermillu kingorna siusinnerpaamik ullut suliffiit aqqaneq marluk qaangiunneranni aatsaat oqaluuserisassanut ilanngunne- qarsinnaapput.

Piffissaliussap qaangiunnerani immikkoortut tiguneqartut Siulittaasoqarfimmi misissorneqassapput. Tamatumani immikkoortut ilusissatut piumasaqaatinik

naammassinningsut itigartitsissutigineqassapput. Tamatuma kingorna oqalu- serisassat immikkoortunik ilanngunneqartunik imaqtartut Inatsisartut nittarta- gaannut ikkunneqassapput.

Ileqqorissaarnermut najoqqutassat

Ileqqorissaarnermut najoqqutassat Inatsisartunut ilaasortanut, sulisunut pulaar- tunullu tamanut atuuttut kipparissumut (x) eqikkarlugit allattugaapput. Tamatu- mani ileqqorissaarnermut najoqqutassat inatsisartoqarnermi sulinerup torersu- mik aammalu avataaneersut Inatsisartunik ataqqinninnerannik innarliingitsumik ingerlanneqarnissaanut peqataassapput.

Najoqqutassat pingaernerit tassaapput:

- ilaasortat Inatsisartut ataatsimiittarfianni isumaqatiginninniarnermi ataatsi- miinnermi aqutsisup innersuussutai malittassagaat. Inatsisartut ataatsi- miittarfianni ataatsimiinnermik aqutsisoq isornartorsiorneqarsinnaanngilaq. Inatsisartunut ilaasortap ataatsimiinnermi aqutsisup aqutsinera naammagin- gikkuniuk tamanna kingusinnerusukut Siulittaasoqarfimmut allakkatigut saaffiginissutigisinnaavaa
- Inatsisartunut Naalakkersuisunulluunniit ilaasortat Inatsisartut ataatsimiit- tarfianni isumaqatiginninniarnerni saqqummiussinnermi taaneqartut aqqi ki- nguliaqutaallu aamma taaguutaat (Naalakkersuisunut ilaasortamik innersuus- sisoqarpat) taaneqartassapput
- saqqummiussat nalinginnaasumik ikittuinnarnik issuaanertaqartassasut – tas- sami taakku Inatsisartut ataatsimiittarfianni uummaarissumik oqallinnermut siarsaataasutut isigineqanngimmata. Ataatsimiinnermik aqutsisoq aatsaat akuersereerpat issuaasoqartassaaq. Tamatumani issuaq sumi aallartinner- soq naanersorlu – aamma issuaq sumit aaneqarsimanersaq erseqqissumik allassimassaaq
- saqqummiussinnermi Siulittaasoqarfik, atorfilittat allalluunniit Inatsisartut Naalakkersuisullu avataanniittut isornartorsiorneqassanngitsut. Taamaallit- lutik pissutsit Siulittaasoqarfimmut tunngasut – Inatsisartut tusaamaneqar- nerat eqqarsaatigalugu – tamanut ammasumik oqaluuserineqartussaangit- sutut isigineqarput. Aamma atorfilittanik allanillu isornartorsiuinerit pissusilersornerlunnertut isigineqarput. Taamaattoqartillugu atorfilittat imminnut illersornissaminut periarfissaqarneq ajorput. Naalakkersuisut aki- sussaanerannik tunngavik naapertorlugit atorfilittat iliuusaannut Naalakker- suisoq/Naalakkersuisut Siulittaasuat maleruagassatigut naalakkersuinikkullu akisussaasuvoq.

Tusagassiortut Inatsisartut ataatsimiittarfianni najuussinnaatitaanerit pillugu paasissutissat erseqqinnerusut uani takuneqarsinnaapput; **Inatsisartuni sulineq pillugu tusagassiortunut najoqqutassiaq**, uani nassaassaassumi; www.ina.gl.

UNGALOQ 4: ILEQQORISSAARNERMUT NAJOQQUTASSAT

1. Pulaartut, partiit sulisui atorfillillu qinnuivigineqarput eqqissisimasumik ileqqorissaartumillu pissuseqaqqullugit ataatsimiittarfimmilu sulineq mianereq-qullugu.
2. Oqarasuaatit, qarasaasiat angallattakkat il.il ataatsimiittarfimmi nipeqartin-neqassanngillat.
3. Ataatsimiittarfimmi pisariaqanngitsumik nipiliortoqaqqunagu ataatsimiittarfimmut isinnginnermi qaatiguut nasallu peereerneqassapput.
4. Pulaartut, partiit sulisuisa atorfillillu ataatsimiinnerit nalaanni matu majuar-tarfiit eqqaaniittoq atorsinnaanngilaat, tusarnaartulli eqqaanni matu atussavaat.
5. Inatsisartut ataatsimiinneranni pulaartut, partiini sulisut atorfilittallu tusarnaartut issiavianniissinnaapput, ataatsimiittarfimmi issiavinni tunorlarni imaluunniit tusarnaartut inaanni issiavinni qullarni.
6. Imeruersaatit nerisassallu ataatsimiittarfimmut nassaqqusaanngillat aammalu imertoqaqqusaanngilaq nerisoqaqqusaananilu.
7. Ataatsimiinnerit nalaanni Inatsisartunut ilaasortat imermik imigassaqartarput aammalu Inatsisartut kaffisortarfiat quleriit allersaaniittoq atorsinnaallugu.
8. Tusarnaartut sineqqusaanngillat, tusarnaartullu inaannit nipituumik oqalunnissaq, suaartarnissaq, ersartaannissaq assigisaallu inertequtaapput.
9. Avataaneersut tamarmik politikkerinut ataatsimiittarfimmiittunut saaffiginninniarunik (pulaartut, partiit sulisui atorfillilluunniit saaffiginninniarunik) betjenti isertarfiup eqqaani issiasoq aqqutigalugu saaffiginnissapput, taassumalu allagaq oqariartuut, pappilia atortussaq imaluunniit oqaloqatiginninnissamik qinnuiviginninneq ilaasortamut anngutissavaa oqaloqatigiinnerlu tusarnaartut inaanni ataatsimiittarfiullunniit silataani pisinnaavoq.
10. Kikkulluunniit ataatsimiittarfimmi angalaarlutik assileerusuttut taamaalinnginnerminni ataatsimiinnermik aqutsisumut saaffiginnissapput akuerineqarnissamillu qinnuteqarlutik.
11. Ataatsimiittarfimmi arpattoqaqqusaanngilaq.
12. Ataatsimiinnermik aqutsisup ataatsimiittarfimmi oqallinnermik malinnaanis-saa pissutigalugu Inatsisartunut ilaasortaangitsut aqutsisumut saaffiginninneri tamarmik betjenti aqqutigalugu pisassapput.
13. Oqaluttarfimmit oqaaseqartoq ataatsimiinnermik aqutsisuunngitsumit akornuserneqanngilluinnassaaq.
14. Ataatsimiinnermik aqutsisup eqqissisimaqqusinera ileqqorissaaqqusineralu malitsinniarlugu betjenti qaqugukkuunniit ikiutissaaq, betjentillu peqqusinera tusarnaartut malissavaat.

5

Ataatsimiititaliat

Inatsisartut ataatsimiititalianik tunngavimmikkut assigiinngitsunik pingasunik pilersitsisinnaapput. Tassalu ataatsimiititaliat inatsisit naapertorlugit pilersinneqartussat, ataatsimiititaliat ataavartut suliaasaqarfinnik aalajangersimasunik isumaginnittussat pilersinneqarsinnaapput, kiisalu ataatsimiititalianik suliaasaanik aalajangersimasunik suliaqarasuurtussanik pilersitsisinnaallutik. Suleriaaseq malillugu ataatsimiititaliat uku inatsisit naapertorlugit pilersinneqassapput: Nunanut Allanut Sillimaniarnermullu Ataatsimiititaliaq, Qinigaanerup Misilinnerqarnissaanut Ataatsimiititaliaq, Inatsisinut Ataatsimiititaliaq, Aningaasaqarnermut Ataatsimiititaliaq kiisalu Kukkunersiunerumut Ataatsimiititaliaq. 2017-ip naanerani ataatsimiititaliat ataavartut ukuupput: Sanaartornermut Ataatsimiititaliaq, Inuussutissarsiornermut Aatsitassanullu Ataatsimiititaliaq, Ilaqutariinnermut Peqqissutsimullu Ataatsimiititaliaq, Aalisarnermut, Piniarnermut Nunalerinnermullu Ataatsimiititaliaq, Eqqissisimatitsinerumut Avatangiisimullu Ataatsimiititaliaq kiisalu Kultureqarnermut, Ilinniartitaanerumut, Ilisimatusarnermut Ilageeqarnermullu Ataatsimiititaliaq.

Ataatsimiititaliat aallaavittut tallimanik ilaasortaqaqartarput. Inatsisartulli immikkut pissutissaqartillugu ataatsimiititaliamut ilaasortat arfineq marlungorlugit amerlisinnaavaat.

Pilersitsineq

Ataatsimiititaliat tamarmik Inatsisartunit ataatsimiittarfimmi isumaqatigiinnarinnikkut pilersinneqartarput. Ataatsimiititalianut ilaasortassanik sinniisussanillu qinersineq oqaluuserisassani imm. 4-mi pisarpoq. Ataatsimiititaliat ataasiakkaat qaqugu pilersinneqarnissaat aallaavittut suleriaatsimi aalajangersarneqarpoq. Ataatsimiititaliat tamarmik inassitsiterfiusumik ataatsimiinnermi pilersinneqartarput. Tamatuma kingorna Inatsisartut ukiuini tamani ukiakkut ataatsimiinnerni Nunanut Allanut Sillimaniarnermullu Ataatsimiititaliaq, Qinigaanerup Misilinnerqarnissaanut Ataatsimiititaliaq, Inatsisinut Ataatsimiititaliaq kiisalu ataatsimiititaliat ataavartut pilersinneqartarput, Aningaasaqarnermullu Ataatsimiititaliaq Kukkunersiunerimullu Ataatsimiititaliaq upernaakkut ataatsimiinnerni pilersinneqartarlutik.

Ataatsimiititalianik pilersitsineq taamaalillunilu ataatsimiititaliani ataasiakkaani ilaasortassanik qinersineq qinerseqatigiittartut inassuteqarneri tunngavigalugit pisarpoq. Aallaavittut isigalugu partiit, kattusseqatigiit, attaviitsullu ataasiakkaat tassaapput qinerseqatigiittartut. Partiit, kattusseqatigiit attaviitsullu ataasiakkaat qinersisarneq pillugu suleqatigiinnissamik isumaqatigiissuteqarsinnaapput taamaalillutillu qinerseqatigiittartunngorlutik anginerusoq. Suleqatigiinneq taamaattoq ataatsimiittarfimmi isumaqatigiinnialinnginnermi Inatsisartut Siulittaasoqarfiannut nalunaarutigineqassaaq. Tamatuma saniatigut qinerseqatigiittartut ataasiakkaat ataatsimiititaliani ilaasortaataqarfissaminni ataasiakkaani ilaasortaatinniakkatik Siulittaasoqarfimmut nalunaarutigissavaat.

Qinerseqatigiittartut ataasiakkaat ataatsimiititaliami ilaasortaataqarfimmini ilaasortaataasa amerlassusiat d'Hondtip perusia naapertorlugu agguataarneqartarput. Qinerseqatigiittartut ataasiakkaat ilaasortaasa amerlassusii kisitsimmik agguataasumik 1-imik, 2-mik, 3-mik, 4-imik, 5-imik il.il. agguarneqassapput; tassa imaappoq ataatsimiititaliami pineqartumi ilaasortaasussat

amerlassusissaat naammatsillugit. Taamaaliornikkut agguakkat inernerit arlallit anguneqassapput. Aggvaanerit inernerit anginerit tallimat tamarmik immikkut ataatsimiititaliami inissamik ataatsimik naleqarput – ataatsimiititalianut arfineq marlunnik inuttalinnut aggnorsuineri inernerit anginerpaat arfineq marluk atorneqassapput. Aallartitanut tunngatillugu, aallartitat peqataasut katillutit qanoq amerlatiginerat najoqqutaralugu periuseq taanna aamma atorneqartarpoq. Tamanna aamma Nunat Avannarliit Killiit Siunnersuisoqatigiiffiannut atuuppoq

TAKUSSUTISSIAQ 1

Ataatsimiititaliani inissat agguataagaanerit – qinersisarnermi suleqatigiinnissamik isumaqatigiissuteqartoqarani

Qinerseqatigiit-tartut	Ilaasortat	Kisitsisit agguaatit				
		1	2	3	4	5
Siumut	13	13,00	6,50	4,33	3,25	2,60
Inuit Ataqtigiit	11	11,00	5,50	3,67	2,75	2,20
Demokraatit	3	3,00	1,50	1,00	0,75	0,60
Partii Naleraq	3	3,00	1,50	1,00	0,75	0,60
Attaviitsoq	1	1,00	0,50	0,33	0,25	0,20

Aggnorsit **ersarissaasikkat** tassaapput ataatsimiititaliami inissat tallimat siulliit. Aggnorsit **sikingatillugit ersarissaasikkat** tassaapput ataatsimiititaliaq arfineq marlunnik inuttaqarsimappat inissat kingulliit marluk. Tamatumani Partii Naleraq Demokraatillu inissaq kingulleq pillugu makitsisariaqarsimassagaluarput.

TAKUSSUTISSIAQ 2

Ataatsimiititaliami inissat agguataagaanerit – qinersisarneq pillugu suleqatigiinnissamik isumaqatigiissuteqartoqarsimatillugu

Qinerseqatigiit-tartut	Ilaasortat	Kisitsisit agguaatit						
		1	2	3	4	5	6	7
Siumut, Inuit Ataqtigiit, Partii Naleraq	27	27,00	13,50	9,00	6,75	5,40	4,50	3,85
Demokraatit, Attaviitsoq	4	4,00	2,00	1,33	1,00	0,80	0,67	0,56

Aggnorsit **ersarissaasikkat** tassaapput ataatsimiititaliami inissat tallimat siulliit. Aggnorsit **sikingatillugit ersarissaasikkat** tassaapput ataatsimiititaliaq arfineq marlunnik inuttaqarsimappat inissat kingulliit marluk.

– tamatumani Inatsisartut Siulittaasuata siulittaasutut inissisimasarnera ileqquvoq. Qinerseqatigiittartut arlallit assigiimmik kisitsisitalimmik angusaqarpata ataatsimiititaliami ilaasortatut inissaq makitsinikkut inuttalerneqassaaq. 2017-imi ukiakkut ataatsimiinnermi partiit ilaasortaataasa agguataarsimaneerat matuma kinguliani assersuutitut takussutissiarineqarpoq.

Inissitsiterneq

Ataatsimiititaliat ataasiakkaat pilersinneqarnermik kinguninnguatiqut inissitsitertarput. Ataatsimiititaliat ullormi pineqartumi Inatsisartut ataatsimiittarfianni ataatsimiinnerup naammassinerata kinguninnguatiqut nalinginnaasumik inissitsitertarput. Suleriaatsimi § 11, imm. 1 naaportorlugu ataatsimiititaliap inissitsiterfiusumik ataatsimiinnerani siulittaasooq siulittaasullu tullia toqqarneqartarput. Taamaallutik qinerseqatigiittartut anginerit ataatsimiititaliamut ilaasortat akornanni siulittaasumik toqqaasarput. Ataatsimiititaliap siulittaasuata tullia qinerseqatigiittartunit anginerpaanut tulliusunit ilaasortat akornanni toqqarneqartarpoq. Siulittaasutut siulittaasullu tulliatut toqqarneqartut qinerseqatigiittartunut toqqaasuusunut ilaasortaasariaqanngillat ataatsimiititaliamulli ilaasortaasussaallutik.

Ataatsimiititaliat inissitsiterfiusumik ataatsimiinneri tamarmik minutsinit marlussunnit sivisuneruneq ajorput pilersaarullu ataatsimiititaliat Inatsisartut ataatsimiittarfianni pilersinneqarneranni Inatsisartut Allattoqarfiannit ilaasortanut agguanneqartoq malittarlugi.

Siunertat suliassaqarfyllu

Ataatsimiititaliat siunertaat Suleriaatsimi § 14-imi nassuiarneqarput. Ataatsimiititaliat ataavartut inatsisillu naaportorlugit pilersinneqartussat ataasiakkaarlutik suliassaqarfimmini makkuninnga suliassaqarput:

- siunnersuutit Inatsisartunit ataatsimiititaliamut suliassanngorlugit inner-suussanik suliarinnitarnaq – tassa isumaliutissiissusiorneq
- suliassaqarfimmi iluani ingerlatsinerup ineriartorneranik malittarinninneq
- Naalakkersuisut inatsisitigut killissaritit iluanni ingerlatsinikkulluunniit ileqqorissaarnermut tunngatillugu killigitit iluanni ingerlatsinerat nakkutigissallugu

Siunertat taakku saniatigut Aningaasaqarnermut Ataatsimiititaliaq, Nunanut Allanut Sillimaniarnermullu Ataatsimiititaliaq, Kukkunersuiarnermut Ataatsimiititaliaq kiisalu Inatsisinut Ataatsimiititaliaq inatsisit naaportorlugit ataatsimiititaliatut atuuffeqarnerit naaportorlugu immikkut ittunik arlalinnik suliassaqarput, tamanna Suleriaatsimi kapitali 4-mi takuneqarsinnaavoq.

Ataatsimiititaliat ataasiakkaarlutik immikkut arlalinnik suliassaqarfeqarput, taakkulu pingaarnersiorlugit nassuiarneqarput. Ataatsimiititaliat ataavartut ataatsimiititaliallu inatsisit naaportorlugit pilersinneqartussat aallaavittut arlalinnik suliassaqarfeqartut ataatsimiititaliat sulinasuurtussat aallaavittut suliassamik aalajangersimasumik suliaqartussanngorlugit pilersinneqartarput. Ataatsimiititaliat inatsisit naaportorlugit pilersinneqartut suliassaqarfiisa agguataagaanerit ilaatigut Suleriaatsikkut aalajangersagaapput. Suliassaqarfiit sinnerisa agguataagaanerannut Inatsisartut sulinerisa inernerit tunngaviupput,

taakkununga ilaallutik siunnersuutit piffissap ingerlanerani Inatsisartunit ataatsimiititalianut suliassanngorlugit innersuunneqartartut.

Ataatsimiititaliat ataasiakkaat siunertaat suliassaqrifiilu uani takuneqarsinnaapput; www.ina.gl.

Ataatsimiititaliap Siulittaasuata atuuffii

Ataatsimiititaliat inissitsiterneranni ataatsimiititaliap siulittaasuani siulittaasuatalu tullianik toqqaasoqartarpoq. Siulittaasup najuussinnaannginnerani siulittaasup tulliaata taarsertarparaa. Siulittaasup pingaarnertut suliassaa Suleriaatsimi § 11, imm. 2-mi aalajangersagaavoq – tassalu ataatsimiititaliap suliassaa siuarsaanissaq. Ataatsimiititaliap siulittaasuata suliassaa pingaarneq tassaavoq ataatsimiititaliap ataatsimiinnerini aammalu ataatsimiititaliap angalanerini pulaarnerinilu aallartitanut aqutsisuuneq. Ataatsimiititaliap suliassaa naammassineqarnissaat, ataatsimiititaliallu ingerlataanik nakkutiginnineq siulittaasup isumagisassarai.

Ataatsimiititaliap sinnerlugu allakkiat assigiinngitsut ataatsimiititaliap siulittaasuani atsiorneqartarput – tamanna naak immaqqa imarisat pillugit ataatsimiititaliami tamakkiisumi isumaqatigiittoqanngikkaluartoq. Taamaalliluni siulittaasooq ataatsimiititaliamut tamarmut siulittaasuvoq ataatsimiititaliallu suliassaa ataqatigiissaarisuulluni, naalakkersuinikkut inissisimaffik apeqquataatinnagu.

Ataatsimiititaliap siulittaasuata suliata qulaani pineqartut pillugit ataatsimiititaliap allatseqarfianik ingerlaavartumik oqaloqateqartarnissaa naatsorsutigineqarpoq. Taamaattorli siulittaasooq nalinginnaasumik nalgisatut isigineqassaaq. Taamaalliluni siulittaasooq ataatsimiititaliamut ilaasortanut allanut sanilliulluni immikkut pisinnaatitaaffeqanngilaq.

Ataatsimiititaliap allatseqarfia

Ataatsimiititaliat tamarmik allatseqarput oqalutseqarlutillu. Maannakkut allat-taasut oqalut-taasullu pillugit nalunaarsuiffik uani takuneqarsinnaavoq; www.ina.gl. Naak ataatsimiititaliap siulittaasua allatseqarfimmik qaninnerpaamik suleqatiginnittuugaluartoq ataatsimiititaliap allattaa suliata pillugit ilisimasani ataatsimiititaliamut ilaasortanut tamanut siunnersuinissamut piareersimavoq – tamanna aamma Inatsisartunit ilaasortanut allanut suliassaqrarfik pillugu soqutigisaqartunut atuuppoq. Taamaattorli ataatsimiititaliap allatseqarfia naalakkersuinikkut periutsit naalakkersuinikkullu aalajangiinissat allat pillugit siunnersuineq ajorpoq.

Ataatsimiititaliap allattaa Inatsisartut Suleriaasiat naapertorlugu sulivoq – taamaallilutillu siunnersuutit ataatsimiititaliamut suliassanngorlugit innersuunneqartut pingaarnersuinnermi salluutinneqartarput. Tamatuma nassatarisaanik iliuusissat allat soorlu ataatsimiititaliap angalanissai sammisassallu allat Inatsisartut ataatsimiinneranni sulinnermut toqqaannartumik attuumassuteqanngitsut isumaliutissiissusiornermut sanilliullugit tunullunneqarsinnaapput. Tamatuma ataatsimiititaliamut akuersaartumik pissuseqarfigineqarnissaa naatsorsutigineqarpoq.

Aallaavittut isigalugu atorussat ataatsimiititaliamut nassiunneqartut ataatsi-

miititalialluunniit allatseqarfianit suliarineqartut tamarmik ataatsimiititaliap allattaaat ataatsimiititaliap ilaasortanut tamanut sapinngisamik ataatsikkut nassiunneqartarput. Saaffiginnissutaasinnaasut ilaasortanit tiguneqartut ataatsimiititaliamillu tamarmiusumit suliarineqartussat kissaatigineqartut, ilaatigut nalunaarsuinissaq eqqarsaatigalugu ataatsimiititaliap allatseqarfianut nassiunneqartariaqarput.

Ataatsimiititalianut allatseqarfiit piffissami atuuttumi suliassaat pillugit erseqqinnerusumik paasisutissat uani nassaarineqarsinnaapput; **Inatsisartut Allat-toqarfiaat – suliassat allattorsimaffiat.**

Ataatsimiititaliap ataatsimiinnera

Ataatsimiititaliat ataatsimiinneri tamarmik oqaluuserisassat siumungaaq agguanneqarsimasut naapertorlugit pisarput. Ataatsimiititaliap ataatsimiinnera sapinngisamik pitsaasumik sukumiisumillu ingerlanneqarsinnaaqqullugu oqaluuserisassat taakkulu imarisaat ilanngussat ilanngullugit ataatsimiititaliamut ilaasortanit sukumiisumik misissoreerineqarsimallutillu malinneqarnissaat pingaaruteqarpoq. Taamaaliornikkut oqallisigisani pingaartinneqartut inerniliinerillu pillugit isumaqatigiinnissaq ataatsimiititaliap ilaasortanut kiisalu ataatsimiititaliap aalajangiussaaniq allatseqarfiup malitseqartitsinissaa ajornannginnerussaaq. Ataatsimiinnerni oqallinnerit pisariaqanngitsumik uteqat-taariffiulerpata, naammassisaqarfiunngippata sammisarluunniit piunnaarlugu allamut saaqattaarfiuppata ataatsimiititaliap siulittaasua akuleruttariaqarpoq. Oqaluuserisap naammassinerani ataatsimiinnermik aqutsisup inaarutaasumik aalajangiussaq imaluunniit inerniliineq pillugu naatumik eqikkaasarnera ileqquvoq pitsaasoq. Tamanna naalakkersuinikkut aalajangiussat malitseqartinneqarnissaat qulakkeerniarlugu taamatullu allatsi ataatsimiititaliap oqallisigisaani aalajangiussat pillugit imaqarniliortoq eqqarsaatigalugu.

Ataatsimiititaliamut ilaasortat tamarmik ataatsimiinnermi atorussanik qarasaasiakkoorlugu nassinneqartarput mailikkullu ataatsimiinnissap iniminneqarnera pillugu nalunaarfigineqartarlutik. Siulittaasup ataatsimiititaliallu allattaaata ataatsimiititaliap suliassaa nakkutiginnissinnaanerit eqqarsaatigalugu ataatsimiititaliamut ilaasortat kaammattorneqarput qarasaasiakkut ataatsimiigiaqqusissutit akuerinerlugit/itigartinnerlugit mailikkut nalunaartaqqullugit. Inatsisartut ataatsimiinnerisa nalaanni ataatsimiititaliap ataatsimiinneri ataatsimiititaliat ataatsimiittarfiini pisarput. Inatsisartut ataatsimiinnerisa avataasigut ataatsimiititaliat ataatsimiinneri nalinginnaasumik oqarasuaatikkoorlugu pisarput. Ataatsimiititaliat ilaat aalajangersimasumik akuttussulimmik ataatsimiittarput, allalli pisariaqartitsineq naapertorlugu ataatsimiittarlutik. Ataatsimiititaliap ataatsimiigiaqquneqarnissaanik ilaasortat arlaat kissaateqaruni, ilaasortaq tamanna pillugu ataatsimiititaliap siulittaasuanut allataanulluunniit saaffiginnissinnaavoq. Taamatut kissaateqarnerup ataatsimiititaliamut ilaasortat sinnerinit itigartinneqanngisaannarnissaa kaammattuutigineqarpoq, tamatumunnga ilanngullugu oqaluuserisassanut immikkoortumik ilanngussinissamik kissaateqarnermut, tamanna suliap oqallisiginissaa ajornanngippat.

Nalinginnaasumik nalunaaquttap akunnerani ataatsimi ataatsimiinnissamut piffissaliisoqartarpoq, tamannalu eqquutsinniarneqartariaqartarpoq, tassami

ataatsimiititaliat allat kingunitsiaatigut ataatsimiittussaasinnaasarmata. Ataatsimiinnerit nalunaaquttap akunneranit ataatsimit sivisunerusussatut pilersaartigineqartut, oqalutsi eqqarsaatigalugu minutsit 45-t ingerlareerneranni unillatsiarfiusassapput. Tamanna aamma ataatsimiinnernut sivitsortoortunut atuuppoq.

Ataatsimiititaliamut ilaasortaq ataatsimiititaliap ataatsimiinnissaanut pilersaartigineqartumut peqataasinnaanngikkuni nammineerluni sinniisussami aggersarneqarnissaanut ataatsimiinnermilu atortussanik tunineqarnissaanut akisussaasuvoq. Maluginiaqquneqarpoq ataatsimiititaliami pineqartumi sinniisussamik aggersaasarnermut immikkut maleruagassaqarsinnaammat – tamanna ilaatigut ataatsimiititaliap suleriaasiani allassimassaaq. Sinniisussaq peqataasinnaanngippat partii/kattusseqatigiit/attaviitsoq immikkut sinniisuliinissamik Siulittaasoqarfimmuut qinnuteqarsinnaavoq.

Ataatsimiititaliaq "qaammatisiummik ukiumoortumik" assingusumilluunniit atuilluni suliasaminik pilersaarusiorluarsinnaavoq – tamanna ataatsimiititaliap siulittaasuata allatsillu ataatsimiititaliap suliaanik tamanik nakkutiginnissinnaanerit malitseqartitsarnissaallu qulakkeerniarlugit.

Ataatsimiititaliap sakkussai

Ataatsimiititaliaq arlalinnik atorsinnaasaminik sakkussaqarpoq, taakku matuma kinguliani nassuiaatigineqarput. Peqatigisaanik Inatsisartunut ilaasortat tamarmik partiillu allatseqarfii Inatsisartut Allattoqarfiata qarasaasiakkoorlugu allagaateqarfianut ugguuna isersinnaapput; intra.ina.gl.

Ataatsimiititaliamut aningaasartuuteqarfiusumik sammisaqarluni iliuseqarnarnermut, Inatsisartut Siulittaasoqarfiannut sioqqutsilluni aningaasanik atuisinnaanermut qinnuteqartussaaneq ataatsimiititalianut tamanut atuuppoq. Aningaasanik atuisinnaanermut ilaatigut piumasaqaataavoq iliuserinarneqartup ataatsimiititaliap siunertaanut suliasaqarfianullu attuumassuteqartussaanera. Ataatsimiititaliat tamarmik, ataatsimiititaliap qanoq tunngaveqarnera qassinillu ilaasortaqarnera apeqqutaatillugit aningaasanik aalajangersimasumik amerlassusilinnik siumungaaq atugassinneqartarput. Tamatumani pineqarput aningaasat aalajangersimasumik amerlassusillit qinnuteqarfigineqarsinnaasut – ataatsimiititaliaq aningaasat pineqartut tamaviisa atornissaannik imaaliinnarluni piumasaqaateqarsinnaanngilaq. Ataatsimiititalianut ataasiakkaanut missingersuutit ukioq aningaasaliiffiusoq malippaat, aningaasartuutillu ukioq aningaasaliiffiusumi sammisanut atorneqartariaqarput. Ukioq aningaasaliiffiusumiit ukioq aningaasaliiffiusumut allamut aningaasanik nuussisoqarsinnaanngilaq. Taamaalutik aningaasat atorneqanngitsut ileqqaarutigineqarsinnaanngillat.

Isumaliutissiisut

Ataatsimiititaliat Inatsisartut inatsisissaattut siunnersuutininik imaluunniit aalajangiiffigisassatut siunnersuutininik ataatsimiititaliamut sulassanngorlugit innersuunneqarsimasunik suliarinninnertik pillugu isumaliutissiisutikkut nassuiaateqartarput. Siunnersuut Inatsisartunit ataatsimiititaliamut suliasanngorlugu innersuunneqarpat, taanna pillugu isumaliutissiisuteqarnissani ataatsimiititaliap pisussaaffigaa. Isumaliutissiisutit ipmarisarpai siunnersuutit kingunissaanik ataatsimiititaliap misissuisimasinnaanera, naalakkersuinikkut isumaliutigisai

kiisalu inaarutaasumik Inatsisartunut inassuteqataa. Inassuteqaatikkut siunnersuutit allannguutissatullu siunnersuutaasimasinnaasut akuersissutigineqarnissaanik/itigartinneqarnissaanik Inatsisartut kaammattorneqartarput. Ataatsimiititaliaq isumaliutissiisummit nammineq allannguutissatut siunnersuumminik saqqummiussinnaavoq. Ataatsimiititaliaq isumaqatigiittoq inassuteqarsinnaavoq, ataatsimiititaliarluunniit arlariinnut (amerlanerussuteqartunut ikinnerussuteqartunullu) avilluni inassuteqarsinnaalluni. Siunnersuummik suliarinninnermi inassuteqaataasinnaasut pillugit kapitali "Inatsisartut ataatsimiinnerat" takuuk. Siunnersuut ataatsimiititaliap isumaliutissiisuteqareerneratigut Inatsisartunit suliasanngorlugu ataatsimiititaliamut innersuussutigineqarppat, ilassutit isumaliutissiisuteqarnissaq ataatsimiititaliap pisussaaffigaa. Innersuusseqqineq allannguutissatut siunnersuutaasimasinnaasunik imaluunniit paasisutissanik attuumassutilinnik nutaanik saqqummertunik suliarinninnissamik kissaateqartoqarneranik tunngaveqakkajuppoq.

Sassartitaqarneq

Immikkoortoq **Avataaniit ataatsimiititaliamut saaffiginnissutit** takuuk.

Tusarniaaneq

Inatsisissatut siunnersuutit tamarmik Inatsisartunit ataatsimiittarfimmi oqaluserineqannginnermini aallaavittut siunnersuuteqartumit tusarniaassutigineqareersimasarput. Tusarniaaneq tamakkiisuunngitsumik ingerlanneqarsimasoq Inatsisartunit nalilernerparat ataatsimiititaliap inatsisissatut siunnersuummik suliarinnittussanngorlugu innersuussivigineqartup nutaamik tusarniaassutiginnissamik sulissuteqartarnera ileqquvoq. Allakkatigut tusarniaaneq nukippassuarnik atuiffiusarmat aallaavittut Naalakkersuisut tusarniaaqqullugit ataatsimiititaliamit qinnuigineqartarput. Ataatsimiititaliarli suliasaqarfimmini nammineerluni sammisaq tamanut attuumassutilik pillugu tusarniaasinnaavoq. Taamaattorli tusarniaaaffigineqartut isummersuutininik saqqummiussinissamik ataatsimiititaliamit peqquneqarsinnaanngillat. Ataatsimiititaliat tusarniaasarnerat qaqutigoorpoq, tamatumanimi piumasaqaataammat aningaasanik atuisinnaanermut Siulittaasoqarfimmuut siumut qinnuteqareersimanissaq, tamatumani aamma ataatsimiititaliap allatseqarfiani nukissat killeqarnerat eqqarsaatigalugu.

Ilisimatitsiffiusumik ataatsimeeqateqarnerit pulaarnerillu

Illuatungerisanik attuumassuteqartunik ilisimatitsiffiusumik ataatsimeeqateqarnerit taamatullu paasisassarsiorluni pulaarnerit ataatsimiititalianit ataasiakkaanik ilisimasanik sammisamat attuumassutilinnik pissarsiniarfittut atorneqartarput. Ataatsimiititaliat illuatungerisanik avataaneersunik imaluunniit Naalakkersuisunik ilisimatitsiffiusumik ataatsimeeqateqarsinnaapput. Ilisimatitsiffiusumik ataatsimeeqateqarnerit/paasisassarsiorluni pulaarnerit ataatsimiititaliat ataatsimiittarfiini imaluunniit illuatungerisani avataaneersuni pisinnaapput, assersuutigalugu ataatsimiititaliap paasisassarsiorluni angalanerani.

Ilisimatitsiffiusumik ataatsimeeqateqarnerit pulaarnerilluunniit ataatsimiititaliap imaluunniit illuatungerisap avataaneersup qinnutiginninneratigut pisinnaapput. Ataatsimiinnerni taamaattuni qulequtarineqakkajuttut tassaasarpud Namminersorlutik Oqartussat suliffeqarfutaanni periusissiat, peqatigiiffiup atuuffia,

paasisitsiniaanerup imarisai il.il. Ataatsimiinnerit taamaattut amerlasuutigit sassartitaqarnernit siunersiuinernillu persuarsiorpalaannginnerusarput.

Siunersiuinerit

Siunersiuineq tassaavoq sammisaq apeqqulluunniit aalajangersimasoq siumut paasisutissiisutigitineqareersoq pillugu Naalakkersuisumik Naalakkersuisunilluunniit arlalinnik ataatsimeeqateqarneq. Naalakkersuisunut ilaasortamik siunersiuinerit aggeqqusinissaq ataatsimiititaliamut ilaasortap kialuunniit siunnersuutigisinnaavaa. Naalakkersuisoq aggersarneqartoq siunersiuinerit peqataasussaatitaavoq, taannalu atorfilittamik ataatsimik ingiallorteqarsinnaavoq. Ataatsimiititaliarli Naalakkersuisup pineqartup atorfilittanik arlalinnik ingiallorteqarsinnaanerani akuersisinnaavoq. Naalakkersuisunullu ilaasortaq tamanna pillugu siumut ataatsimiititaliamut qinnuteqassaaq. Naalakkersuisup aggersarneqartup atorfilittaminik attuumassuteqartut pillugit oqaaseqarsinnaatitsisarnera nalinginnaasuvoq. Naalakkersuisunullu ilaasortaq atorfilittap peqataasup oqaaseqaataanut akisussaasuvoq – taamaallutik atorfilittanik oqaaserineqartut Naalakkersuisut akisussaanerannik tunngaviusut naapertorlugit Naalakkersuisup aamma akisussaaffigai.

Siunersiuinerit ataatsimiititaliat ataatsimiittarfiini nalinginnaasumik ingerlanneqartarput. Ataatsimiititaliamut ilaasortat siunersiuinerup aallartinginnerani ataatsimiittarfimmeereertariaqarput Naalakkersuisumillu atorfilittaanillu tikilluaqqusinissaminut piareersimallutik. Ataatsimiititaliamut ilaasortat ataatsimiititaliallu allatseqarfianeersut Naalakkersuisoq iserpat nikuissapput tikilluaqqullugulu.

Naalakkersuisup aggersarneqarsimasup apeqqutinut ataatsimiititaliamit siumut nassiuineqarsimasunut akisuttissani oqaasissanut najoqqutassiami allasimasut saqqummiutissavai. Qanoq annertutigisumik saqqummiussinerup ingerlanerani ataatsimiititaliap apeqquteqarsinnaanerani imaluunniit aatsaat najoqqutassiaq siuliani oqaatigineqartoq malillugu saqqummiussinerup naammassinerani apeqquteqartoqassanersoq siumut isumaqatigiissutigitineqartarpoq. Naalakkersuisunut ilaasortap ataatsimiititaliallu akornanni oqallisiginninnissaq/qulaajaanissaq siunersiuinerup siunertarimagu, tamanna apeqqutinik teknikimut tunngannginnerusunik sammisaqarnissamut tulluerneruvoq.

Siunersiuinerit ileqqusoq malillugu matoqqasusarput, taamaattorlu Suleriaaseq ammasumik siunersuisinnaaneramik periarfissiivoq – tassa kikkut tamat peqataasinnaatillugit.

Naalakkersuisunut allakkatigit apeqqutit

Assersuutigalugu suliassaarfimmini ineriartornermik nakkutiginnikkumalluni Naalakkersuisullu inatsisunik atuuttunik ingerlatsinerannik nakkutiginnikkumalluni malinnaajumallunilu ataatsimiititaliaq Naalakkersuisunut allakkatigit qaqugukulluunniit apeqquteqarsinnaavoq. Ataatsimiititaliap apeqqutai Naalakkersuisunut akineqartussaatitaapput. Pisortalli namminersortulluunniit soqutigisaasa pingaaruteqarnerunerat pissutigalugu ataatsimiititaliap soqutigisai tunullunneqartariaqarput, ataatsimiititaliap paasisutissanik pissarsisinnaanerani Naalakkersuisunit killilerneqarsinnaavoq. Naalakkersuisut killiineq taamaattoq allakkati-

gut tunngavilersussavaat.

Ataatsimiititaliap Naalakkersuisunik nakkutilliusussaatitaanera namminerlu suliassaarfimmini ineriartornermik malinnaasussaatitaanera tunngavigalugit nalinginnaavoq ilaasortap kialuunniit inatsisit atortinneqarneranni pissutsinik maanna atuuttunik, taakkuluunniit qanoq paasineqarnerisa qulaajaavineqar-nissaannik pisariaqartitsisup ataatsimiititaliaq aqqutigalugu Naalakkersuisumut attuumassuteqartumut apeqquteqarsinnaanerani. Naak immaqa tamanna sammisaq pillugu qulaajaanissaq ilaasortanik tamanik pisariaqartinneqanngikkaluartoq. Inatsisartunut ilaasortat tamarmik nammeneerlutik (§ 37 naapertorlugi) Naalakkersuisunut apeqquteqarsinnaagaluarput, paasisutissalli attuumassutillit tamarmik ataatsimiititaliamut tunniunneqarnissaat ataatsimiititaliamit erseqqilluinnartumik soqutigineqarpoq.

Ataatsimiititaliat angalaneri

Ataatsimiititaliat ataatsimiititaliatut angalanissaminut periarfissaqarput – tassa paasisassarsiorlutik nunatsinni nunaniluunniit allani angalasinnaallutik. Aallaavittut isigalugu ataatsimiititaliat Inatsisartut ataatsimiinnerisa nalaanni angalaqqusaanngillat. Ataatsimiititaliat angalaneri ataatsimiititaliap allattaanik ataqtigiissaarneqartarput. Ataatsimiititaliap allattaa ataatsimiititaliap angalanissaanik pilersaarusiarsinnaassappat, ilaasortat angalanermi kikkut suullu tikeraarnissaannik kissaatiminnik, tassungalu ilanngullugu tikeraarnissap siunertaanik erseqqissumik saqqummiussinissaat pisariaqarpoq. Bilitsinik inniminnineq, assigiinngitsunut isumaqatigiissuteqarneq il.il. suliapput piffissartornartut nalinginnaasumillu Inatsisartut ataatsimiinneranni allatseqarfittut suliassat isumagiutigalugit naammassiuminaatsut. Angalanermut pitsaasumut pissarsiaqarfiulluurtumullu piumasaqaatit immikkoortumi uani takukkit; **Siunnersuutit ataatsimiititaliani sulinermit iluaqutaasinnaasut.**

Ullormusiat, angalanermut naatsorsuutit il.il. pillugit paasisutissat mappersakami uani takukkit; **Aningaasarsiaqartitaaneq ineqartitaanerlu.**

Ataatsimiititaliap pineqartup angalanerani peqataanerit, sinniisussanik aggersaasarnermut il.il. malittarisassanik erseqqinnerusunik ataatsimiititaliat ataasiakkaat suleriaatsiminni aalajangersagaqarput.

Ataatsimiititaliap allattaa “angallassisutut” atuuppoq, taamaattorli assigiinngitsunik soorlu ullaakkut itersaanernik, pasinik, pappilianik, ataatsimiinnermi atortussat assilinerinik, angalanermi nassatanik, qimatanik il.il. isumaginnittussaatitaanani.

Ataatsimiititaliamut avataanit saaffiginnissutit

Ataatsimiititaliat arlallit qinigaaffiup ingerlanerani innuttaasunit, peqatigiiffinit il.il. saaffiginnissutinik ingerlaavartumik tigusaqartarput. Saaffiginnissutit ilisimatitsissutinik nassitsisup ataatsimiititaliap ilaasortaanut ilisimassallugit tulluartaanik imaqsarsinnaapput, aammattaarli ataatsimiititaliap tungaanit qisuariartoqarnissaanik kissaatteqarnermik imaqsarsinnaallutik. Tamatumani ataatsimiititaliat nunap inatsisiliortuisa ataanniinnerat, taamaattumillu ataasiakkaat pillugit sulianik, suliani aalajangiinernik assingvusunillu suliqaartuunnginnerat erseqqissaatigissallugu pingaaruteqarpoq. Aallaavittut isigalugu tamakkunnga

suliaqartussaaitaasut tassaapput Naalakkersuisut, pissaanermik atuutsitsisuisut. Taamaalilluni ataatsimiititaliaq saaffiginnissutinik tunngaviusutut isigineqarsinnaasunik taamaallaat suliaqarsinnaavoq. Ataatsimiititaliali suliamik aalajangersimasumik ingerlatsinissaq toqqarpagu saaffiginnittup tamatuma nassataanik kingusinnerusukkt Inatsisartut Ombudsmandiannut naammagit-taalliuteqarnissamut mattuneqarnissaa ataatsimiititaliamut nassitsisumullu erseqqissaatigissallugu pingaartuuvoq.

Saaffiginnissut ataatsimiititaliamik naapitsinissamik kissaataappat sassartineqarnissamik qinnuteqaataagajuppoq. Sassartitaqarnermi sassartitaqartut – assersuutigalugu kattuffik, innuttaasut ataatsimoortut assigisaalluunniit – paasissutissanik ataatsimiititaliamut ilisimasaqarfigissallugit soqutiginaateqartitaminnik saqqummiussissapput. Sassartitaqartut paasissutissanik saqqummiussisarnerat kingornalu ataatsimiititaliamut ilaasortat qulaajaataasunik malitsitulluunniit apeqquteqartarnerat ileqquuvoq. Inuiaqatigiit akornanni soqutigisaqartunit paasissutissanik ataatsimiititalianut tunniussinissamut sassartitaqartarneraq sakkussaavoq – taamaalilluni sassartitsinerup qanorpiaq imaqarnissaa pinnagu sammisassap qulequtaa kisiat ataatsimiititaliap amerlanertigut ilisimasarpaa. Tamannalu tunngavigalugu ataatsimiititaliamut ilaasortat sassartitaqarfigineqarnerup nalaani sammisamut tunngatillugu isummertariaqanngillat tapersisariaqaratillu – tamanna avataaneersunik ataatsimeeqateqarnerut/pulaarteqarnerut tamanut atuuppoq. Ataatsimiititaliap sammisaaq pillugu ataatsimut isummernerminik suliqalliginnissimanginnera tamatumunnga pissutaavoq. Tamatuma saniatigut ataatsimiititaliamut ilaasortat sammisaaq pillugu naalakkersuinikkut tunuliaqutaminnik eqqartueqateqarnissamut suliperiarfissaqarsimangillat.

Isertuussisussaaitaaneq

Ataatsimiititaliap ataatsimiinneranit tamanut saqqummiussisussaaitaanngineq ataatsimiititalianut tamanut atuuppoq – tassunga ilaapput oqaluuserisassat, imaqarniliat, apeqqutit sammineqartut il.il. Isertuussisussaaitaaneq taanna aamma ataatsimiititaliami suliat pillugit allaffigeqatigiittarnermut tunngatillugu atuuppoq. Paasissutissalli aalajangersimasumik annertussusilerlugit killilikkat tamanut saqqummiunneqarnissaannik ataatsimiititaliaq aalajangersinnaavoq. Tamanna assersuutigalugu tusagassiorfinnut nalunaaruteqarnikkut pisinnaavoq.

Ataatsimiititaliat ilaat immikkut ittumik isertuussisussaaitaapput. Tamanna Qinigaanerup Misilinneqarnissaanut Ataatsimiititaliamut, Aningaasaqarnermut Ataatsimiititaliamut, Kukkunersiuinermut Ataatsimiititaliamut kiisalu Nunanut Allanut Sillimaniarnermullu Ataatsimiititaliamut atuuppoq. Ataatsimiititaliat taakku immikkut isertuussisussaaitaanagerat pillugu paasissutissat erseqqinnerusut ataatsimiititaliat pineqartut allattaannit pissarsiarineqarsinnaapput.

Peqataasinnaaneq/Peqataasinnaannginneq

Pingaarnertut isigalugu peqataasinnaanermit apeqqummi pineqartarpoq inuk pineqartuq atuuffimmik inatsisit naapertorlugit isumaginnissinnaanersoq. Inatsisartunut ilaasortat peqataasinnaanerannut apeqqut qinersinerup kinguinnguatigut ilaasortat ataasiakkaat qinigaasinnaanerannik Qinigaanerup Misilinneqarnissaanut Ataatsimiititaliap naliliineratigut nalinginnaasumik pisarpoq.

Soqutiginarnerusorli pingaarnerusorlu tassaavoq ataatsimiititaliap aalajangersimasumik suliaqarnerani ilaasortat peqataasinnaanngissinnaanerannik apeqqut. Sulianik suliarinnitarneq pillugu inatsimmi peqataasinnaannginnermut aalajangersakkat nalinginnaasut Inatsisartunut atuutinngillat. Inatsisit Tunngaviusut, Inatsisartut Naalakkersuisullu pillugit Inatsisartut inatsisaat imaluunniit Inatsisartut Suleriaasiat peqataasinnaannginneq pillugu malittarisassanik imaqanngillat.

Inatsisartunut ilaasortaq inatsisissatut imaluunniit aalajangiiffigisassatut siunnersuummik akuerseqataasinnaavoq imaluunniit itigartitseqataasinnaavoq, naak siunnersuut ilaasortamut pineqartumut taassumaluunniit qanigisaanut aningaasaqarnikkut aalajangersimasumik iluaqutissartaqaraluartoq ajoqutissartaqaraluartorluunniit.

Taamatuttaaq ataatsimiititaliamut tunngatillugu Inatsisartunut ilaasortaq peqataasinnaanngitsutut nalinginnaasumik isigineqarsinnaanngilaq. Taamaattorli suliaassani, ilaasortamut inuttut qanittumik toqqaannartumillu attuumassuteqartuni, ataatsimiititaliamit aalajangiiffigineqartussani Inatsisartunut ilaasortap attuumassuteqartutut immikkut illuinnartumik isigineqarsinnaanera mattutivinneqarsinnaaganngilaq. Tamatumani assersuutigalugu pineqarsinnaavoq Inatsisartunut ilaasortap unnerluutigineqarsinnaannginnerata atorunnaarsineqarnissaa pillugu ataatsimiititaliaq inassuteqassatillugu imaluunniit suliami, inernerani ilaasortamut aningaasatigut toqqaannartumik iluanaarutaasinnaasumi Aningaasaqarnermut Ataatsimiititaliaq aalajangiisussaattillugu. Apeqqulli nalorninartorpoq, taamaattumillu pisariaqalerfiatigut inatsisilerinikkut sukumiisumik naliliiffigineqartariaqassalluni. Tamanna manna tikillugu pisariaqarsimangilaq.

Taamaakkaluartuq suliamik suliaqarnermi peqataannginnissani Inatsisartunut ilaasortap nammineerluni toqqarsinnaasarpaa. Taamatut aalajangersinnaaneq naalakkersuinerup tungaanit isigalugu kaammattuutigineqarsinnaavoq. Ataatsimiititaliamili amerlanerussuteqartut ikinnerussuteqartulluunniit Inatsisartunut ilaasortamik taamak ilioqqusillutik pinngitsaaliisinaanngillat. Ataatsimiititaliap aalajangersimasumik suliaqarnerani apeqqut saqqummissagaluarpat Siulittaasoqarfimmu saqqummiunneqarnissaa pissusissamisuusaaq.

Tamatuma akerlianik ataatsimiititaliamut ilaasortaq tamatumunnga tunngavisaqarluannikkuni peqataasinnaanngitsutut nalunaaruteqaannarnermigut suliap isummanik akerleriiffiusinnaasup suliarineqarnerani peqataanngitsoorsinnaanngilaq. Inatsisartunut ilaasortatut atuuffik qinikkatut pisussaaffiuvoq, taamaalillunilu suliap suliarineqarnerani ilaasortaq tunngavissaqarluannikkuni peqataanngitsoorsinnaanngilaq.

Siunnersuutit ataatsimiititaliani sulinermi iluaqutaasinnaasut

Siunnersuutit arlallit ataatsimiititaliani sulinermi iluaqutaasinnaasut matuma kinguliani saqqummiunneqarput. Ataatsimiititaliat aqqissuussinernut inuiaqatigiinnit avatangiiserisanit nunaniluunniit allaneersunit peqataaffigineqartunut peqataaneranni Inatsisartunut ilaasortat Inatsisartut Kalaallit Nunaallu sinnerluggit aallartitatut isigineqarnerat siunnersuutitut tunngaviutinneqarpoq. Siunnersuutilli aamma ataatsimiititaliat sulineranni ataatsimiititaliallu ataatsimiinneranni najoqqutassaapput.

1. Oqaluuserisassat ilanngussat ilanngullugit ataatsimiititaliat ataatsimiinneranni qitiulluinnarlutik najoqqutassaapput – taamaattumillu atuarluarneqareersimasariaqarlutik.
2. Aqqissuussamut peqataalernermi pisussanut pilersaarut/ataatsimiigiaq-qusissut sukumiisumik atuaruk. Assersuutigalugu ataatsimiititaliap angalanerani pisussanut pilersaarut oqaluuserisassanik nalunaarsuiffittut isigineqarsinnaavoq taamaammallu aamma taamak sukumiitigisumik atuarneqartariaqarluni.
3. Eqeersimaartumik peqataanissannut piareersimagit – tassa qasuerluarsimagit, piffissaq eqqorlugu takkukkina, apeqquteqartarit attaveqarfinnillu pitsaasunik pilersitsiniarlutit periarfissaq sapinngisamik atorluartaruk.
4. Oqarasuaatit toqqorallaak. Naak sulininni oqarasuaat qarasaasiarsornikkut sakkussaq pitsaasuugaluartoq atorneqarnera sapinngisamik minnerpaaffimmiittartariaqarpoq – tamanna ataatsimiititaliap nammeneq ataatsimiinnerani minnerunngitsumillu avataaneersunik ataatsimeeqateqarnerani atuuppoq. Ataatsimeeqatitit eqiingasumik najuuffigikkat, ataatsimiinnerullu sunniutilimmik pitsaasuunissaanik qulakkeerinneqataagit.

5. Ataatsimiititaliap angalanerani pisussanut pilersaarummut uparuaatissaqaruit, missingiut tigugukku piaartumik tamanna pillugu Siulittaasumut ataatsimiititalialluunniit allattaanut erseqqissaateqarit. Naammaginngisaqarneq ataatsimiititaliap Siulittaasuanut allattaanulluunniit toqqaannarlugu oqaatigineqartariaqarpoq, ataatsimiititaliap pulaagaasa najuunneranni pinnani.
6. Ataatsimiititaliap ilaasortaatut suliffeqarfinnik, kattuffinnik, innuttaasunik, nunani allani inatsisartunut ilaasortanik il.il. naapitsinermi ataqqinnippalaarit. Ataqqinninneq nammeneq ‘hunagisami’ takutinneqartariaqarsorisat naapertorlugu naapitannut ataqqinnigit. Ilaatigut torersumik pissusilersortusaaneq soqutiginnissutsimillu takutitsisussaaneq tamatuma nassataraa.
7. Ataatsimiititaliap ataatsimeeqatissaasa kikkunerinik siumut paasiniaareerit.
8. Isumaqatigiissutit malikkat – tamanna ataatsimiititaliami namminermi isumaqatigiissutitut, minnerunngitsumillu ataatsimiititaliap naapitaminut avataaneersunut isumaqatigiissutigisaanut atuuppoq.
9. Nunani allani ileqqulersuutit ileqqutoqqallu, nammeneq nunanni sungiusimasannit allaanerusinnaasut ataqqikkat. Tamatumani nerisaqariaatsit, saaffigineriaaseq, ileqqulersorneq, assukkorsoriaatsit il.il. allaanerusut pineqarput.
10. Eqqaamallugu angallassinermi – assersuutigalugu kinguaattoortoqarnerani – Inatsisartunut ilaasortat allanit salliunneqartussaannigillat.

6

Aallartitat, siunnersuisoqatigiit aalajangiisartullu

Aallartitat

Aallartitaq/tat tassaavoq/pput Inatsisartunut ilaasortat nunat tamalaat kattufiini ataatsimiinnertut, inatsisartoqarnikkut suleqatigiiffinnut il.il. Inatsisartut sinnerlugit peqataasussatut toqqaarneqartartut. Taamaallit aallartitat tassaangillat ataatsimiititaliat – imatut paasillugu aallartitat ingerlatsinermik (Naalakkersuisunik) nakkutilliisussaangillat siunnersuutillu pillugit isumaliutissiissusiortussaanaatik. Aallartitaqatigiinnik sisamanik Inatsisartut toqqaasarnertat ileqquuvoq:

Naalagaaffiit Peqatigiit Ataatsimeersuarnerat

Inatsisartut 1992 aallarnerfigalugu Naalagaaffiit Peqatigiit Ataatsimeersuarnerannut peqataasarput. Ataatsimeersuarneq ukiumut ataasiarluni New Yorkimi pisarpoq – septembarimi aallartittumik. Ataatsimeersuarneq nunanit ilaasortasunit tamarmiusunit 193-iusunit, naalagaaffimmi naalakkersuisunullu pisortasunik aallartitaqakkajuttunit peqataaffigineqartarpoq. Ataatsimeersuarnerup immikkuullarequtigaa nunat tamarmik naligiinnerat – nuna ataaseq, taasineq ataaseq. Inatsisartut ilaasortanik marlunnik imminnut paarlakaattunik aallartitaqartarput – taamaallit ilaasortat pineqartut avillutik Ataatsimeersuarnerup immikkoortuani siullermi aappaanilu peqataasarlutik.

Ilaasortassat inissitsiterfiusumik ataatsimiinnermi Inatsisartullu ukiuata aallartinnerani d'Hondtip perusia malillugu qinerneqartarput (takuuk kapitali **Ataatsimiititaliat**).

Uani erseqqinnerusumik paasisaqarit: www.un.org/en/ga

Inuit Circumpolar Council (ICC)

ICC nunat tamalaat akornanni soqutigisaqatigiiffiuvoq Canadomit, Kalaallit Nunaannit, Ruslandimit (Chukotkamit) kiisalu USA-mit (Alaskamit) issittumi innuttaasunit (inunnit) ilaasortaaffigineqartoq. Kalaallit Nunaata ICC-mut aallartitai 16-iupput taakkunanga pingasut Inatsisartunit toqqaarneqartarput.

ICC-mut ilaasortassanik qinersineq Inatsisartunut qinersereermermi Inatsisartut inissitsiterfiusumik ataatsimiinneranni pisarpoq. Ilaasortat d'Hondtip perusia malillugu qinersivisorlu naallugu atuuttumik qinerneqartarput. Tamatumani ilaasortap Inatsisartunut qinigaasimanissaa piumasaqaataangilaq.

Uani erseqqinnerusumik paasisaqarit: www.inuit.org

Nunat Avannarliit Siunnersuisoqatigiiffiat

Nunat Avannarliit Siunnersuisoqatigiiffiat Inatsisartut akornanni suleqatigiiffiuvoq Danmarkimiit, Finlandimiit, Islandimiit, Norgemiit Sverigemiillu kiisalu nunanit namminersorfiusunit pingasunit Kalaallit Nunaannit, Savalimmiunit Ålandimiillu Inatsisartunut ilaasortanik 87-iusunit peqataaffigineqartoq. Inatsisartut marlunnik ilaasortaataqarput.

Ilaasortassat inissitsiterfiusumik ataatsimiinnermi Inatsisartullu ukiuata aallartinnerani d'Hondtip perusia malillugu qinerneqartarput.

Nunat Avannarliit Siunnersuisoqatigiiffiat ukiumut marloriarluni ataatsimiittarpoq. Naalakkersuinikkut suliaqarneq ingerlaavartoq, partiikkaarluni suleqatigiin-

nerup saniatigut siunnersuisoqatigiiffiup ataatsimiititaliaani tallimani pisarpoq. Ataatsimiititaliani nalinginnaasumik ukiumut marloriarluni ataatsimiittoqartarpoq. Nunat ataasiakkaat tulleriaarlutik siunnersuisoqatigiiffiup ataatsimiinnerinik ukiakkullu katersuunnerinik tikeraartitsisuusarput. Siulittaasuuneq nunanit ataasiakkaanit ima tulleriaanilerlugu ukiukkaartumik tigummineqartarpoq: Danmark, Finland, Norge, Sverige aamma Island.

Uani erseqqinnerusumik paasisaqarit: www.norden.org

Nunat Avannarliit Killiit Siunnersuisoqatigiiffiat

Nunat Avannarliit Killiit Siunnersuisoqatigiiffiat Inatsisartut akornanni suleqatigiiffiuvoq Kalaallit Nunaanni Inatsisartunit, Islandimi Altingimit kiisalu Savalimiuni Lagtingimit aallartitanit ilaasortaqarpoq. Aallartitat ataasiakkaat tamar-mik arfinilinnik ilaasortaqarput. Inatsisartut Siulittaasuut ileqquusut malillugit Kalaallit Nunnaannit aallatitanut Siulittaasuusarpoq – taamatullu Nunat Avannarliit Killiit Siunnersuisoqatigiiffiata Siulittaasoqarfiani Kalaallit Nunaannit ilaasortaataalluni.

Ilaasortassanik qinersineq – Inatsisartut ukiuata aallartinnerani - d'Hondtip perusia malillugu pisarpoq.

Nunat Avannarliit Killiit Siunnersuisoqatigiiffiat, Siulittaasoqarfiup Siulittaasuusa paarlaattarnerinut assingusumik nikerartumik sumiiffilerneqartartumik ukiumoortumik ataatsimiittarnerup saniatigut, ukiumut ataasiarluni aalajangersimasumik qulequtaqartitsilluni ataatsimeersuuartarpoq. Nunat Avannarliit Killiit Siunnersuisoqatigiiffiat ukiumoortumik ataatsimiinnermini kaammattuutitut aalajangersagassanik akuersissuteqarsinnaavoq, kingorna nunat ataasiakkaat inatsisartuini suliasanngorlugit saqqummiunneqartussanik.

Nunat Avannarliit Killiit Siunnersuisoqatigiiffiat 2017 aallarnertigalugu Issittumi Siunnersuisoqatigiinni alaatsinaatsutut inissisimalerpoq.

Uani erseqqinnerusumik paasisaqarit: www.vestnordisk.is

Siunnersuisoqatigiit aalajangiisartullu

Inatsisartut siunnersuisoqatigiinnut aalajangiisartunullu arlalinnut ilaasortassanik ataasiakkaanik inatsisit atuuttut malillugit toqqaasarput. Siunnersuisoqatigiinnut aalajangiisartunullu pineqartunut ilaasortat piffissami aalajangersimasi atuuttussatut toqqarneqartarput, tamatumalu Inatsisartut qinikkatut atuuffiat malittariaqanngilaa. Tamatumani ilaatigut uku pineqarput Naartuersitarneq pillugu Naammagittaalliuteqartarfik, Avatangiisit Innarlitsaalioneqarnissaat pillugu Naammagittaalliuteqartarfik aamma Pinerlunnernit Eqqorneqartunut Taarsiissuteqartarneq Pillugu Nævni. Siunnersuisoqatigiit aalajangiisartullu pilersinneqarsimasut piffissallu ilaasortassanik toqqaaffiit pillugit paasisutisat Inatsisartut nittartagaanni pissarsiarineqarsinnaapput.

Pisut ilaanni tunngavissamillu erseqqinnerusumik aalajangersaasoqarsimatillugu inuit Inatsisartunut ilaasortaannigtsut siunnersuisoqatigiinni aalajangiisartunilu assigiinngitsuni Namminersorlutik Oqartussat sinnerlugit ilaasortatut toqqarneqartarput. Taakku tassaasinnaallutik soqutigisaqatigiinnit suliffeqarnermilu peqatigiiffinnit aalajangersimasunit assigisaannillu aallartitat.

7

§ 37 naapertorlugu apeqqutit

Suleriaatsimi § 37 naapertorlugu Inatsisartunut ilaasortaq pisortat suliassaataat pillugu Naalakkersuisunut apeqquteqarnikkut paassisutissanik pissarsiniarsinnaavoq. Apeqqut, Inatsisartut Siulittaasuannut ingerlatinneqartussaq, naatsumik erseqqissumillu ilusilerneqassaaq tunngavilersuutitaqassallunilu. Apeqqut pasilleerpalaartuussanngilaq inuillu ataasiakkaat pillugit sulianut tunngasuussanani. Tamatuma saniatigut apeqqutit ilusiligaanissaannut arlalinnik piumasaqaateqarpoq, takuuk intra.ina.gl.

Tunngavilersuut apeqquteqarnermut pissutaasunut tamakkiisunik itisiliinersaaq.

Tamatuma kingorna apeqquteqartoq Naalakkersuisunit allakkatigut akissutisissaaq. Nalinginnaasumik ullut suliffiusut qulit qaangiutsinnagit Naalakkersuisut akissuteqartussaapput. Tamanna ajornassagaluarpat Naalakkersuisunut ilaasortap akissuteqartussap apeqquteqartumut allakkatigut tamanna nalunaarutigisavaa. Kinguaattoornermut tunngavilersuut akissullu qaqugu naatsorsuutigineqarsinnaanersoq ilanngullugu nalunaarutigineqassaaq.

Akissuteqaat Naalakkersuisunut ilaasortamit atsiorneqarsimassaaq nalinginnaasumillu § 37 naapertorlugu apeqqutinut akissutit assigalugit kalaallisut danskisullu Inatsisartut Allattoqarfiannut tunniunneqassalluni.

8

Inatsisartuni partiit

Partiit naalackersuinnikut suliaqartut atuuffiat

Tamat oqartussaaqataanerat aallaavigalugu aaqqissuussinermi naalackersuinnikut partiit inassisimanagerat Inatsisini Tunngaviusuni, Namminersornerulluni Oqartussaaneq imaluunniit Namminersorluni Oqartussaaneq pillugu inatsimmi oqaatsimik ataatsimilluunniit taaneqanngilaq. Taamaakkaluartoq partiit qitiusumik inassisimapput. Inatsisartunut ilaasortat amerlanerpaartaat partii sinnerlugu qinigaapput.

Partii naalackersuinnermik suliaqartoq tunngaviusumik isigalugu inuinnarnit peqatigiiffiuvoq pissutsit assigiinngitsut pillugit assigiinnik isummersuuteqartunik aammalu Inatsisartuni kommunalbestyrelsiniluunniit aalajangiunneqartartut pillugit sunniuteqarnissamik kissaateqartunik ilaasortalik. Partiimi ilaasortanngornikkut naalackersuinnermillu ingerlatsinermi eqeersimaartumik peqataanikut innuttaasoq peqatinilu najukkani nunalu tamaat isigalugu inuiaqatigiit qanoq inissitsiterneqarnerannut sunniuteqarniartarput.

Tamat oqartussaaqataanerat aallaavigalugu aalajangiisartuutitani, tassa partiimit qinigassanngortitat Inatsisartunut, kommunalbestyrelsinut nunaqarfinnullu aqutsisunut imaluunniit qallunaat Folketingianni 179-inik ilaasortalimmuut Kalaallit Nunaat sinnerlugu marlunnik ilaasortaataitaqarfiusumut qinigaanerisigut sunniisinnaassuseqarneq annertunerpaaq partiip angusinnaavaa.

Partii Inatsisartunut qinersinermi kingullermi qinigaatitaqarsimaguni Inatsisartunullu qinersinissap nalunaarutigineqarnerani sulii ilaasortaataitaqaruni Inatsisartunut qinigassanngortitsisinnaavoq. Partiit Inatsisartunut ilaasortaataitaqariinngitsut qinersisartut atsiornerinik Inatsisartunut qinersinermi kingullermi taasisut atorsinnaasut tamarmiusut ilaannik 1/31-inik naleqartunik pissarsisinaagunik qinigassanngortitsisinnaapput.

Partiit aaqqissuussaanagerat

Inatsisartunut ilaasortat Inatsisartuni gruppinnut partiit Inatsisartunut ilaasortaataannik ataasiakkaanik inuttaqartunut agguarneqarajupput. Gruppi Inatsisartut ataatsimiinneranni ullut tamarluinnangajaasa Inatsisartuni sulineq eqqartornarlugu ataatsimiittarpoq. Gruppi gruppi siulittaasuanik aammalu siulittaasup tullianik ataatsimik marlunnilluunniit (naalackersuinnermut tunngasuni aammalu aaqqissuussaanagermut tunngasuni siulittaasup tulliiinik) aqunneqartarpoq. Tamatuma saniatigut gruppi arlalinnik oqaaseqartartuutitaqartarpoq, taakkulu eqqartorneqartoq apeqqutaatillugu Inatsisartut isumaqatigiinniarnernanni partiip gruppia sinnerlugu oqaaseqartarput.

Partiit avataanni: Kattusseqatigiit, kisimiillutik qinigassanngortittut – attaviitsullu

Partiit Inatsisartunut qinersinermi qinigassanngortitsinissamut kisimik periarfisaqartinneqanngillat. Partiimik tunuliaqutaqarani Inatsisartunut qinigassanngortinneq aamma ajornanngilaq.

Partiimut attaveqarani qinigassanngortittut “kisimiillutik qinigassanngortittut” taaneqartarput. Kisimiillutik qinigassanngortittut Inatsisartunut qinigaanissaminnut taasisunik naammattunik pissarsisinnaanagerat ajornakusoortarpoq. Ataasiakkaanulli tamanna iluatsitsiffiusarsimavoq.

Partiit avataasigut qinigassanngortittut ataatsimoorlutik isumaqatigiissuteqarnermikkut “kattusseqatigiinngorsinnaapput”. Taamaaliornikkut taasisunik annaasaqarsinnaaneq annikillisinneqarsinnaavoq, tassa qinigassanngortittoq Inatsisartunut qinigaanissaminut naammattunik taasiseqarsimangippat taasisaasa kimut tutsinneqarnissaat pillugu isumaqatigiissuteqartoqarsinnaammat. Imaassinnaavoq kattusseqatigiit sinnerlugit qinigassanngortittut pingasut ima qinersiseqartigisut inummik ataatsimik qinigaatitaqarsinnaallutik, naak taakku tamarmik immikkut ima amerlatigisunik taasiseqanngikkaluartut arlaannaalluunniit qinigaasinnaalluni.

Inatsisartunut ilaasortaq partii sinnerlugu qinigaasimasooq nammineq sulissuteqarnini naapertorlugu imaluunniit anisitaanermigut partiimit tunuarsinnaavoq. Inatsisartunut ilaasortaq taama iliortoq “attaviitsumik” taaneqartarpoq.

Partiit naalackersuinnikkut suliaqartunut il.il. aningaasatigut tapiissuteqartarneq

Inatsisartuni naalackersuinnikkut sulinerup nakussassarneqarnissaa anguniarlugu partiit, kattusseqatigiit, kisimiillutik qinigaasut attaviitsullu Inatsisartunut ilaasortaasut aningaasatigut tapiiffigineqartarput. Tapiissutinik qinnuteqaat ukiumi qinnuteqarfiusumi kingusinnerpaamik 1. marts tunniunneqassaaq. Ilaasortaatanut tapiissutit ukiumi qinnuteqarfiusumi 1. januarimi Inatsisartunut ilaasortaatat amerlassusiat malillugu tunniunneqartarput. Inatsisartunut ilaasortaq attaviitsunngorniarluni partiimi gruppianit tunuarpat imaluunniit partiimut allamut nuuppat ukiup sinneranut partiimut tapiissutit ikilineqarneq ajorput. Qaammammit Inatsisartunut ilaasortap partiiminit kattusseqatigiinnilluunniit tunuarfiata naanerani naatsorsorlugu ilaasortaq qinnuteqarnermigut ilaasortaanermut ukiumoortumik tapiissutit ilaanit pissarsiaqarsinnaavoq.

Pingaarteqarpoq maluginiassallugu partii nutaaq ilaasortap ataatsip arlalilluunniit maannamut partigrupperisimasaminnik qimatsinerisigut Inatsisartunut sinniisuutitaqalersooq partiinut tapiissutinik pissarsineq ajormat. Partiip periarfissaq tamanna aatsaat angussavaa Inatsisartunut nalinginnaasumik qinersisogarnerani Inatsisartunut ilaasortaataitaqaleruni.

Ukiup siuliani aningaasat tunniunneqartut atorneqarnerannut naatsorsutinik kukkunerisiusumit akuerineqartunik kingusinnerpaamik 30. juni nassiussoqassaaq. Naatsorsuutit piffissaq eqqorlugu nassiuunneqanngippata tapiissutit tunniunneqartussat kinguartinneqarsinnaanerani atorunnaarsinneqarsinnaaneraluunniit naatsorsuutigineqarsinnaavoq.

Naatsorsuutit nassiuunneqartut Inatsisartut Siulittaasoqarfiata Inatsisartut nittartagaasigut tamanut saqqummiuttussaavai.

Tapiissuteqartarneq pillugu inatsit malillugu tapiissutit Inatsisartuni naalackersuinnikkut suliaqarnermut tapiissutit immikkut tunniunneqartarput, taamaallutillu nuna tamakkerlugu naalackersuinnikkut kattuffiup suliaqarnissaanut tunniunneqartaratik. Tamatuma kingunerisaanik anguniagaq taanna naapertorlugu tapiissutit atorneqartussaapput. Tapiissutinut pingaartumik ilaapput atortussat Inatsisartunit atorneqartussat, soorlu aalajangiiffigisassatut siunnersuutit aamalu § 37 naapertorlugu apeqqutit, nutsertinneqarnerannut aningaasartuutit. Partii tapiissutinik pissarsisarpoq atortussat taamaattut kalaallisut danskisullu

nassiuttarnissaannut taamaalluni pisussaatinneqarpoq.

Naalackersuinnikkut ingerlatsisut partiit naatsorsuutaasa tamanut saqqummiunneqartarneri pillugit Inatsisartut inatsisaat nutaaq 1. januar 2013-imi atuutilerpoq. Ilaatigut partiit naalackersuinnikkut ingerlatsinerminni kikkunnit aningaasaliiffigineqartarnerisa tamanit paasineqarsinnaanissaata qulakkeernissaa inatsisikkut siunertarineqarpoq. Inatsimmi ersarissumik allassimavoq naalackersuinnikkut ingerlatsisut partiit naatsorsuutaat partiip nuna tamakkerlugu kattuffiata isertitatigut tunngasunik paasissutissanik arlalinnik imaqqassasut, tassunga ilanngullugit partiit pisortaniit tapiissutisarnerat pillugu maleruagassatigut pisortaniit pissarsiarineqartut, ilaasortaniit inuinnarniillu, nunani tamalaani suleqatigiiffinniit, inuinnat ataatsimoorussamik peqatigiiffiiniit, suliatigut kattuffiniit, inuussutissarsiortut suleqatigiiffiiniit, inuussutissarsiortuni suliffeqarfinniit, aningaasaateqarfinniit peqatigiiffiiniillu isertitat anertussusaat. Partii ukiumi naatsorsuiffimmi akiliuteqartumit ataatsimiit akileeqaataassumik imaluunniit akileeqaataassutinik arlalinnik katillugit 10.000 kr.-inik amerlanerusunik pissarsimappat akiliisup aqqa najugaalu ukiumoortumik naatsorsuutinit takuneqarsinnaassaaq. Tassani tunngavigineqarpoq akiliisup kinaassusianik partiip ilisimanninnissaa.

Nunaqarfinni aqutsisunut, kommunalbestyrelsinit Inatsisartunullu qineqqusaanermut atatillugu aningaasanut inatsimmi aningaasanik immikkoortitsisoqarajuppoq. Taamaattorli partiit qineqqusaanissamut tapiiffigineqarnissamut eqqartuussivikkoortumik piumasaaqateqarsinnaatitaanngillat.

Partiit naalackersuinnikkut suliaqartut allattoqarfiisa Inatsisartullu Allattoqarfiata akornanni suleqatigiinneq

Partiit allattoqarfiisa Inatsisartullu Allattoqarfiata akornanni suleqatigiinneq Inatsisartut allattoqarfeqarneranni sulinerup ilagaa. Partiilli soqutigisaqatigiiffittut namminersortutut isigineqarmata Inatsisartullu allaffeqarfiat pisortat ingerlatsivigimmassuk eqqaasitsissutigissallugu pisariaqarpoq. Inatsisartut allaffeqarfiat allaffeqarfit, aqqissuussaannikkut, aningaasaqarnikkut allatulluunniit naalackersuinnikkut ingerlatsinikkut partiinut akulerutsinneqassanngilaq. Allaffeqarfiulli partiilli akornanni aqqissuussaasumik ingerlaavartumillu suleqatigiittoqarnissaanut tamanna soorunami akimmisaartitsinngilaq.

Allaffeqarfiup partiilli piginnaasaannik pitsanngorsaaqqinnissaq siunertaralugu suleqatigiinneq ingerlaavartumik nalilersorneqartarpoq.

Allaffiit agguataarneqarnerat illuutinullu tunngasut

Inatsisartut illuutaani inini allerni partiit allattoqarfiinut ilaasortanullu allaffinnik atugassaqartitsisoqarpoq, soorluttaaq illu L-imi ini qullermi Inatsisartut illuutaanut atasumi ikittunnguanik allaffeqartoq. Tamatuma peqatigisaanik illorsuaq Namminersorlutik Oqartussat Inatsisartullu Allattoqarfiata aqutsiveqarfiattut atuuppoq. Allaffinnik assut amigaateqartoqarmat partiilli Namminersorlutik Oqartussat aqutsinerannut ilaangimmata, taamaattumillu aqqissuussaanerminalinginnaasumik atorfilltanut atasunngorlugit inissinneqarsinnaanatilillu inissinneqartariaqanngimmata, illorsuup iluani illorsuulluunniit avataani allaffinnik partiit atugassiisoqarsinnaanngilaq. Inatsisartuni sulineq siuarsarniarlugu allaffiit

atugassiissutigineqarmata malugeqquneqarpoq. Taamaattumillu tunngaviusumik Inatsisartut sulinerannut attuumassuteqanngitsunut allaffiit atorneqaqqusaanngillat. Pingaartumik init nammineq ingerlatanut (inuussutissarsiutinut) tunngasumik ingerlatsivigineqaqqusaanngillat.

Allaffiit partiit ilaasortaqqortussusiat naapertorlugu agguanneqartarput. Tamatumani saniatigut partiit annerit sisamat allaffimmik anginermik, ataatsimiittarfitut nalinginnaasumik atorneqarsinnaasumik, atugassinneqartarput.

Partiit marluk ilaasortalluunniit ataasiakkaat allaffinnik ataatsimiittarfinnulluunniit paarlaaseqatigiinnissamik isumaqatigiissuteqarsimagunik Allattoqarfimmut tamatuminnga nalunaaruteqaannassapput. Allaffiilli agguataarneqarneri pillugit isumaqatigiinningsutaasinnaasut aalajangiiffigineqarnissaat Siulittaasoqarfiup Inatsisartut Allattoqarfiat aqutigalugu oqartussaaffigaa.

Illorsuup aserfallatsaalineqarnera Inatsisartut Allattoqarfiat isumaqatigiissuteqarfigalugu Naalakkersuisut illuutinut immikkoortortaanit isumagineqartarpoq.

Allaffiit oqoqarnerisut misissuiffigineqarsimapput, tamatumalu kingorna iluarsaanneqarlutik. Tamatumani kingorna oqunnik nassaartoqaqqissimanngilaq, taamaattumillu illorsuup oqoqanngitsutut isigineqarpoq. Ilulli iluata silaannarisuunissaa eqqarsaatigalugu silaannarissarfiit ammatinnerisigut silaannarissartarnissaq kaammattuutigineqarpoq.

Najuutinngikkallarneq

Inatsisartunut ilaasortaaneq pisussaaffigalugu qinikkatut atuuffiuvoq. Tassa ilaasortat tamarmik najuuttussaataapput. Pisunili immikkut ittuni ilaasortap sulingiffeqarallarnissaanik Siulittaasoqarfik akuersissuteqarsinnaavoq – soorluttaaq ilaasortaq atuuffimminik isumaginnissinnaanngikkallarsinnaasoq. Ilaasortap najuutinngikkallarnerani pisariaqarpat sinniisussaanic aggersaasoqarsinnaavoq – imaluunniit partiit akunnerminni taasisarneq pillugu isumaqatigiissuteqarsinnaapput.

Sinniisussamik aggersaasarneq

Sinniisussamik aggersaasoqassanersoq Siulittaasoqarfimmit aalajangerneqartarpoq. Ataatsimiittarfimmi ilaasortat agguataagaanerisa allannguuteqarnera pissutigalugu sinniisussamik aggersaannginneq Inatsisartut aalajangiinerannut sunniuteqartussaannngitsutut nalilerneqarpat ullunit 14-iniit sivikinnerusumik najuutinnginnermut sinniisussamik nalinginnaasumik aggersaasoqarneq ajorpoq. Ataatsimiititaliani sulinermi sinniisussamik aggersaasarnermut tunngatillugu immikkoortoq “Ataatsimiititaliat” takuuk.

Taasisarnermi isumaqatigiissuteqartarneq

Taasisarnermi isumaqatigiissuteqarneq partiit – qinerseqatigiittartulluunniit – akunnerminni isumaqatigiissuteqarnerisigut pisarpoq. Isumaqatigiissuteqarnermut immersugassaq partiinit/attaviitsunillu tamanit atorineqartussaag Allattoqarfimmit tunniunneqartarpoq. Allattoqarfik avaqqullugu isumaqatigiissuteqartoqartarpoq immersuisoqarlunilu, Allattoqarfiup isumaqatigiissut taamaallaat ataatsimiinnermik aqutsisumit uppernarsaatitut atugassatut tiguserpaa. Taasisarneq pillugu isumaqatigiissutit ataasiakkaat tassaapput qinerseqatigiittartut illuatungeriit ilaasortaannit inuit marluk aqqisigut taasat Inatsisartut ataatsimiittarfianni taasinermi peqataannnginnissaanik partiit akunnerminni isumaqatigiissutaat, taamaalilluni inatsisartutigit pissaanerup agguataagaanera innarlerneqarani. Taasisarnermut isumaqatigiissutit taamaallaat Inatsisartut ataatsimiittarfianni taasisarnermut atuupput. Taamaalilluni ilaasortaq taasisarneq pillugu najuutinngitsumik isumaqatigiissuteqarfiginnissimasoq sulii Inatsisartut ataatsimiittarfianni oqallinnermut peqataasinnaatitaavoq. Taasisarneq pillugu isumaqatigiissuteqarsimasut isumaqatigiissummik eqquutsitsinissaq taamaalillutillu taaseqataannnginnissartik kisimik akisussaafigaat. Ilaasortaq taasisarneq pillugu isumaqatigiissuteqarsimasoq kukkulluni taasisoorsimaguni tamanna pillugu ataatsimiinnermik aqutsisumut piaartumik nalunaarsinnaavoq – taassuma taasinerup uteqqinneqarnissaa imaluunniit kukkulluni taasinerup taasinerup inerneraniit peerneqarnissaa aalajangissavaa.

Taasisarnermi isumaqatigiissutit Inatsisartut ataatsimiittarfianni ataatsimiinnissaq sioqqullugu Siulittaasoqarfimmut nalunaarutigineqassapput. Taasisarneq pillugu isumaqatigiissutit najuutinngikkallarnissamik nalunaaruteqarnermut taarsiullugit atorineqarsinnaanngillat (tamanna assersuutigalugu nappaammik pissuteqartumik), tamannami sulii Siulittaasoqarfimmut allakkatigit nalunaarutigineqartussaammat.

Sulinngiffeqarallartarneq najuutinnikkallartarnerlu

Sulinngiffeqarallartarneq najuutinnikkallartarnerlu pillugit maleruagassat periuserineqartullu erseqqinnerusut Inatsisartut Suleriaasianni ilanngussa 2-mi takuneqarsinnaapput, taakkunanngalu uku erseqqissaatigineqarsinnaapput:

Aningaasarsiaqaatigalugu sulinnigiffeqarallarneq

§ 2. Inatsisartunut ilaasortaq napparsimanermik pissuteqartumik, najuutinninnissaalu ullorsiuutini ullut 14-it sinnerlugit sivissuseqarnissaa ilimagineqarpat, atuuffimmunit najuutinnikkallarnissamut pissutisaqavippat ilaasortaq sulinnigiffeqarallarnissamut akuerineqarsinnaavoq.

Stk. 2. Naartunermut, erninermut meeravissartaarnermulluunniit atatilugu Inatsisartunut ilaasortaq sulinnigiffeqarallarnissamut akuersissummik tunineqarsinnaavoq, kisianni tamanna malittarisassat Namminersorlutik Oqartussat tjenestemandiinut qaqugukkulluunniit atuuttut malillugit.

Stk. 3. Qanigisap toqkkut qimagunnerani perululluniluunniit napparsimanerani Inatsisartunut ilaasortaq sulinnigiffeqarallarnissamut akuerineqarsinnaavoq, kisianni tamanna malittarisassat Namminersorlutik Oqartussat tjenestemandiinut qaqugukkulluunniit atuuttut malillugit.

Aningaasarsiaqaataangitsumik sulinnigiffeqarallarneq

§ 3. Inatsisartunut ilaasortaq piffissami Naalackersuisutut, Folketingimut ilaasortatut kommunalbestyrelsimulluunniit, tassani aamma borgmesteritut viceborgmesteritullu, atuuffimmik paarsaqarniarluni sulinnigiffeqarallarnissamut akuerineqarsinnaavoq.

§ 4. Pisuni immikkorluinnaq ittuni §§ 2-mi 3-milu taaneqartut saniatigut pissuteqarluni Inatsisartunut ilaasortaq sulinnigiffeqarallarnissamut akuerineqarsinnaavoq, tamanna namminersorluni ingerlatamini suliassamik nukingernartumik suliassanilluunniit allanik nukingernartunik aalussinissaa pisariaqarluinnartutut isigineqarpat.

Najuutinnikkallarneq

§ 5. Inatsisartunut ilaasortaq sulinnigiffeqarallarnissamut akuerineqarsimanngitsoq atuuffimmillu isumaginninnissaminut akornuserneqarallartoq, tamanna pillugu najuutinninnissallu qanoq sivisutiginissaa ilimagineqarnerisooq paasissutissiisutigalugu erngerluni Siulittaasoqarfimmut nalunaaruteqassaag.

Suleriaatsimi § 13 naapertorlugu najuutinnikkallarnerit sorliit inatsisinut naapertuuttuunersut Siulittaasoqarfimmit aalajangerneqartarpoq.

10

Inatsisartut Ombudsmandiat

Inatsisartut Ombudsmandiat aqqissuussaanikkut Inatsisartut ataanni inissimavoq. Ombudsmandi Inatsisartunut qinersereernerit tamaasa - atorfiullu inut-taarunneratigut Inatsisartunit qinerneqartarpoq. Ombudsmandip Atorfeqarfia naalackersuinikkut arlaannaannulluunniit attuumassuteqartuunngilaq.

Namminersorlutik Oqartussat kommunillu inatsisit malittarisassallu allat pisortat ingerlatsinerannut atuuttut malillugit ingerlatsinerannik nakkutilliineq Ombudsmandip suliassaraa.

Ombudsmandi innuttaasunit naammagittaalliutit tunngavigalugit sulivoq - imaluunniit sulianik nammineerluni sularisassanngortitsisarluni. Ombudsmandi tamatumani aalajangiinerit, suliamik ingerlatsinerit pisortallu innuttaasunik pinninnerat pillugu naammagittaalliutinik sularinnittarpoq. Ombudsmandip tamatuma saniatigut ingerlatsiviit il.il. Ombudsmandip suliassaqaqfigisaanut ilaasut misissuiffiartorlugit takuniaavigisinnaavai. Ombudsmandi 1. januar 1997 aallarnerfigalugu sulianik Inissiaatileqatigiiffik INI A/S-imut tunngasunik suliqaqarsinnaalerpoq, tassani suliat inissiaatileqatigiiffiup Namminersorlutik Oqartussat kommunillu sinnerlugit aalajangiiffigisai pineqarlutik.

Malittarisassat pingaernerit:

- kinaluunniit Ombudsmandimut naammagittaalliuteqarsinnaavoq
- suliamik allaffissornikkut aqutsinermi sularinninneq inaarlugu sularineqarsimassaaq aammalu oqartussaasumut qulliuernerusumut naammagittaalliornissamut periarfissaqarpit periarfissaq tamanna Ombudsmandimut naammagittaalliunnginnermi atorineqarsimassaaq.
- Naammagittaalliut ukiup ataatsip qaangiutinnginnerani tunniunneqariissaaq

Naammagittaalliornissamut piffissaliussaq qaangiussimappat - naammagittaalliortulluunniit allaffissornikkut naammagittaalliornissamut periarfissani atorsimangippagit naammagittaalliutit sularineqarnissaa Ombudsmandip itigartitsissutigissavaa. Aamma Inatsisartut suliamik pineqartumik sularinnilereersimappata Ombudsmandip naammagittaalliutit sularinissaa itigartissavaa. Taamaamat naammagittaalliortup Ombudsmandimut naammagittaalliornissanaera mattukkumanagu Inatsisartut suliassanik ataasiakkaanik suliqaqarnissartik nalinginnaasumik tunuarsimaarfigisarpaat.

Ombudsmandi suliaq pillugu aalajangiisnaannngilaq - taarsiulluguli allaffissornikkut aqutsisoqarfiup kukkunerinik isornartorsiulluni oqaaseqaateqarsinnaavoq, sularlu oqartussaasup suliareqqissagaa inassuteqaatigisinnaallugu. Misissuinerit Ombudsmandimit namminermit aallartinneqartut kingorna oqaaseqaateqarfigalugit tamanut saqqummiunneqartarput, tassani Ombudsmandi apequtit suliamut tunngasut pillugit isummernini pillugu nassuiaateqartarpoq.

Inatsisini, nalunaarutini malittarisassanilu allani kukkunerit amigaatillu saniatigut oqartussaasut suliaanni kukkunerit sumiginnaanerillu annertuut Ombudsmandip Inatsisartunut

Naalackersuisunullu (/kommunalbestyrelsimullu) nalunaarutigisussaavai.

Kukkunertut nalilerneqartut tassaapput teknikikkut inatsisilerinikkullu amigaa-tit. Inatsilli naleqquttuunersoq pisariaqartuunersorluunniit Ombudsmandip isummerfigissanngilaa.

Atorfeqarfimmi aqqissuussaanikkut pissutsit kiisalu suliat Ombudsmandip qaammatisiutit ukiuanni qaangiuttumi suliarisimasai pingaarnerit pillugit ukiumoortumik nalunaarummik Ombudsmandi ukiut tamaasa Inatsisartunut tunniussisarpoq. Ukiumoortumik nalunaarut Inatsisinut Ataatsimiititaliamut tunniunneqartarpoq, taannalu nalunaarutip akuerineqarnissaa pillugu aalajangiiffigisassatut siunnersuummik Inatsisartunut saqqummiussisarpoq.

Sukumiinerusumik paasisaqarit: www.ombudsmand.gl

Inatsisartut Allattoqarfiat – suliassat allattorsimaffiat

Inatsisartut Allattoqarfiat Inatsisartunut allaffissornikkut kiffartuussiviuvuq. Suliassat allattorsimaffianni malittuaniittumi Allattoqarfiup pingaarnertut suliassai nalunaarsorneqarput. Immikkoortortat ataasiakkaat sulisullu pillugit paasissutissat www.ina.gl –imi kiisalu E-mailinut nalunaarsuiffimmi nassaarineqarsinnaapput. Sulisuttaaq ataasiakkaat pillugit erseqqinnerusumik paasissutissat mappersakkami uani nassaarineqarsinnaapput; “Inatsisartut Allattoqarfiat – ilinnut kiffartuussivik”.

Allattaaneq

Allattaaneq Inatsisartut Allattoqarfianni pingaarnertut akisussaasuuvuq. Allattaanerup suliassai pingaarnertit ilaatigut tassaapput:

- Inatsisartut allaffeqarfianni aqutsisutut pingaarnertut akisussaaffeqarneq
- Naalakkersuinikkut tunngasutigut inatsisartutigoortumillu sinnisoqarfinnut atatillugu Siulittaasoqarfiup suliniutaasa ingerlataasalu ataqatigiissarneqarnerannut ingerlanneqarnerannullu akisussaasuuneq
- Inatsisartoqarnikkut sinniisunik qaaqqusisarnertit tikeraartitsitsisarnerrillu
- Ataatsimiinnissanut oqaluuserisassanik piareersaarnertit
- Naalakkersuisut aqutsineranni attuumassutilinnut attaveqaataaneq
- Ataatsimiinnissanut oqaluuserisassanik piareersaarnertit
- Siulittaasoqarfiup suliniutai pillugit partiit allatseqarfiinut tunngatillugu ataqatigiissaarnertit
- Naalagaaffeqatigiinnermut tunngatillugu inissisimaneq
- Suliffeqarnikkut kattuffinnik isumaqatiginninniarnerit

Siulittaasoqarfiup allatseqarfia

Siulittaasoqarfiup allatseqarfia Siulittaasoqarfimmut kiffartuussisuuvuq Allatseqarfimmi pisortap ataani suleqataasunik aalajangersimasumik amerlassusilinnik sulisulik. Suliassai pingaarnertit ilaatigut makkuupput:

- Inatsisartut Siulittaasuannik Siulittaasoqarfimmillu sullissineq
- Suleriaaseq pillugu Ataatsimiititaliamik sullissineq
- Qinigaanerup Misilinneqarnissaanut Ataatsimiititaliamik sullissineq
- Inatsisartut Siulittaasuannut Siulittaasoqarfimnullu allattaavissornermik (ileqqussanik malinninnissamik) isumaginninneq
- Inatsisartut ataatsimiinnissaanut oqaluuserisassanik suliaqartarneq
- Inatsisartut Siulittaasuata Siulittaasoqarfimmi suliassaamik Nunallu Avannarliit Killiit Siunnersuisoqatigiiffianni aallartitanut siulittaasutut suliassaamik isumaginninneq
- Siulittaasoqarfiup ataani ilaasortat inassiassaannik sanaartornissamik siunnersuummut tunngatillugu suliassamik suliaqarasuarneq

Saaffiginninneq Siulittaasoqarfimmi allatseqarfiup pisortaanut pissaaq.

Paasissutissiisarnermut suliniutinullu immikkoortortaq

Paasissutissiisarnermut suliniutinullu immikkoortortaq Inatsisartut Allattoqarfiata avammut attaveqarneranik isumaginnittuuvoq. Ilaatigut pingaarnertut makku suliaasaralugit:

- innuttaasunut Inatsisartut pillugit saqqummiussisarneq, tassani aamma Siulittaasoqarfik, ataatsimiititaliat Allattoqarfillu sinnerlugit tusagassiorfinnut nalunaaruteqartarneq
- nittartakkamik nittartakkamillu matoqqasumik suliaqarneq nutarterinerlu
- suliniutinik aqutsineq, soorlu taasisarnermut atortulersuutininik, illumi allanngortiterinerinik, Inuusuttut Inatsisartuinik allanillu immikkut pisunik aqqisussineq il.il.
- ukiumoortumik nalunaarutinik, innuttaasunut, atuarfinnut il.il. paasissutissiisutinik assigiinngitsunik suliaqartarneq
- pulaartunik angalaarussisarnermut akisussaasuuneq
- innuttaasut Inatsisartullu Allattoqarfiata akornanni attaveqaataaneq

Saaffigininneq paasissutissiisarnermik suliniutinullu sullissisumut pissaaq.

Sullissinermut immikkoortortaq

Inatsisartut ataatsimiinneranni suliaqarneranik nalinginnaasut ulluinnarnilu ingerlatsineq sullissinermut immikkoortortap isumagisarai. Suliassai pingaarnertut ilaatigut makkuupput:

- Inatsisartutnup ilaasortanut aamma Inatsisartut Allattoqarfianni sulisunut kif-fartuussineq (Illorsuarmut, pequtinut atortunullu aamma ininut oqarasuaatinullu il.il. akisussaaffeqarneq)
- allakkanik nalunaarsuiffik aamma allagaasivik – tassani aamma Inatsisartut ataatsimiinnissaannut atortussanik tigooqqaaneq
- Ataqaatigiissarineq, tamatumaniitaaq Inatsisartutnup ilaasortat angalanerisa aamma ineqarnerisa isumagineqarnerat
- atortussanik amerlisaaneq agguuassinerlu
- ataatsimiititaliat ataatsimiinnerini aqqisussisutininu allani nerisaqartitsineq
- nalinginnaasumik torersaaneq
- pulaartunik angalaarussinermik isumaginninneq

Henvendelse sker til servicechefen.

Aningaasaqarnermut immikkoortortaq

Suliffeqarfimmi aningaasaqarnermik ulluinnarni aqutsineq aningaasaqarnermut immikkoortortamit isumagineqarpoq. Suliassai pingaarnertut ilaatigut makkuupput:

- naatsorsuutinik inissitsiterineq aamma ilanngussanik nakkutillineq (angalanerit naatsorsuutit, akileeqqusissutit il.il.)
- naalakkarsuinermik suliaqarnermut tapiissutinik tunniussisarneq aqutsinerlu
- Inatsisartutnup ataanni aningaasaliissutinut missingersuusiorneq malitseqartitsinerlu
- missingersuutit malitseqartinneqartarneq ukiumullu naatsorsuutit pillugit ingerlaavartumik nalunaarusiortarneq
- aningaasanut Inatsimmut ilassutitullu aningaasaliissutissanut inatsimmut

- ilassutissanik suliaqartarneq
- naatsorsuusiortarnermut maleruagassat malinneqarnerannik isumannaarineq
- kukkunersuiisumut akisussaasumut attaveqarneq (tamanna Allattaaneq peqatigalugu)
- naatsorsuutinik naligiissarineq
- aningaasarsianik, soraarnerussutisianik ilaasortaajunnaarnerisutinillu aqutsineq
- piffissamik suliffiusumik nalunaarsuineq

Saaffigininneq Siulittaasoqarfiup allatseqarfianut pissaaq.

Nutserisoqarfik

Allakkatigut nutsigassat oqaluttaanerillu nutserisoqarfimmit isumagineqarput, tamanna nalinginnaasumik kalaallisut danskisullu oqaatsit akornanni, pisariaqarfiatigullu tuluttuumut. Ataatsimiititaliat tamarmik aalajangersimasumik nutserisoqarput/oqalutseqarput. Suliassat pingaarnertut ilaatigut makkuupput:

- pappilianik ataatsimiititalianik atortussanik tamanik nutserineq
- Allattoqarfimmit saqqummiussanik nutserineq – ilitersuutinik, ukiumoortumik nalunaarutinik, nittartakkap imarisaanik il.il.
- Ataatsimiititaliat suliaqarneranni oqaluttaaneq, tassani aamma ataatsimiinnerini avataaneersunillu ataatsimeeqateqarnerini, angalanerini il.il.
- Inatsisartutnup ataatsimiittarfianu isumaqatigiinniarnerni oqaluttaasarneq

Saaffigininneq nutserisut pisortaannut pissaaq.

Ataatsimiititaliat allatseqarfiat

Ataatsimiititaliat allatseqarfiat ataatsimiititaliat sulineranni ikiorsisarput, Inatsisartunullu ilaasortanut tamanut suliaqarneranik pillugit siunnersuinnissamut piareersimasuullutik. Ataatsimiititalianut allatsit ataasiakkaat tamarmik ataatsimiititaliap sullissami suliaqarfiit pingaarnertut sammisarivaat. Suliassat pingaarnertut ilaatigut makkuupput:

- ataatsimiigaaqussisutinik/-imaqarnilianik, allakkatigut apeqqutinik ataatsimiititalianullu saaffiginissutinut akissutinik piareersaateqartarneq suliaqarnerlu
- isumaliutissiissutinut missingiusiortarneq
- ataatsimiititaliat sammisaannik tamanik ataqaatigiissarisarneq aqqisussisarnernerlu, soorlu angalanerit, avataaneersunik ataatsimeeqateqarnerinik, ataatsimiititaliamut sassartitaqarnerinik, Naalakkarsuisumik siunnersuinerinik il.il.
- ilaasortat siunnersuutaannik inatsisilerinikkut misissuineq
- Inatsisartutnup ataatsimiinneranni ataatsimiinnermik aqutsisumik allatseqarnerit ikiuttarneq

Saaffigininneq ataatsimiititaliat allattaannut ataasiakkaanut imaluunniit ugguuna pissaaq; ina@ina.gl.

Inatsilerinermut immikkoortortaq

Inatsilerinermut immikkoortortaq inatsilerituunik ataatsimiititalianut allattaasunik aalajangersimasumik amerlassusilinnik inuttaligaavoq. Suliassai pingaarnerit ilaatigut makkuupput:

- Inatsisissanik misissuisarneq
- Ataatsimiititaliat allatseqarfianni inatsilerinikkut nalinginnaasumik ikiuut-tarneq


Saaffiginneq ataatsimiititaliat allatseqarfianni inatsilerituumut pineqartumut pissaaq.

Aaqqissuussaaneq

Immikkoortortat qulaani pineqartut aaqqissuussaaneermi malittuani takutinneqartutut inissisimapput:

AAQQISSUGAANEQ

Inatsisartut Allatoqarfiat



Ataatsimut sullissivittut atuunnertik aallaavigalugu aammalu Inatsisartut allattaanerata Siulittaasoqarfiullu aalajangiineri naapertorlugit paasisutissiisarnermut sulliniutinullu immikkoortortaq aammalu Siulittaasoqarfiup allatseqarfia Allattoqarfimmi immikkoortortanut tapertatut pingaarnertut atuupput. Taamaalillutillu immikkoortortat namminneq akisussaaffigisami iluanni suliassanik suliarinninnissaq pingaarnertut isumagisaraat.

12

Pissutsit sulissanut tunngasut

Inuttut paasisutissat

Inatsisartunut qinersinerni ilaasortat tamarmik Inatsisartut Allattoqarfiannut paasisutissanik makkuninnga tunniussaqaassapput:

- Inuup normua
- Najugaqarfigisaq
- Qqarasuaatit normui
- Aningaaserivik pillugu paasisutissat
- Akileraartarnermut allagartaq kiisalu
- Immaqa e-mailadresse/ faxnummer

Paasisutissat tamarmik isertuullugit toqqortarineqassapput. Paasisutissat allanngornerat Allattoqarfimmut nalunaarutigineqassaaq.

Paasisutissanik qulaani pineqartunik tunniussineranut immersugassat uani nassaarineqarsinnaapput; intra.ina.gl/immersugassat, taakkulu qarasaasiakkut immersorneqassapput. Immersugassat immersorsimasut Allattoqarfimmi Siulittaasoqarfiup allatseqarfianut tunniunneqassapput.

Ilinniakkat suliffigisimasallu pillugit paasisutissat (CV)

Qinersinerup kingorna piaarnerpaamik ilaasortat ilinniakkatik suliffigisimasatillu pillugit allaaserisamik paasisutissanilluunniit nittartakkami kikkunilluunniit takuneqarsinnaasunngorlugit tamanut saqqummiukkusutaminnik nassiussissapput. Paasisutissanik pineqartunik nutarterinissaq ilaasortat ataasiakkaat namminneq akisussaaffigaat.

Ataatsimiitaliat angalanerisa ilaanni, nunani tamalaani ataatsimiinnerni, soorlu EU-mi, ilinniakkat suliffigisimasallu pillugit paasisutissat aamma ujjartorneqarput.

Ilinniakkat suliffigisimasallu pillugit paasisutissanik (CV) immersugassaq uani nassaarineqarsinnaavoq; intra.ina.gl/immersugassat, taannalu qarasaasiakkut immersorneqassaaq. Immersugassat immersorsimasut ina@ina.gl-imut nassiunneqassapput.

Inuussutissarsiutinik aningaasatigullu soqutigisanik nalunaarsuinerit

2015-imi juulip ulluisa aallaqqaataaniit Inatsisartunut ilaasortat inatsisitigut pisussaaffiliisumik inuussutissarsiutitik pillugit paasisutissaatitik Inatsisartut inuussutissarsiutinut nalunaarsuiffianut pinngitsooratik nalunaarsortittussaalperpaat. Qinigaasinnaanerup akuerineqarnerata kingorna qaammat ataaseq qaangiuppat paasisutissat tunniunneqareersimassapput. Inatsit aamma sinniussanut Inatsisartunut sivikinnerpaamik ulluni 30-ni imaluunniit killissaa aalajangigaanngitsumik siviussusilikkami ilaasortanngortunut atuuppoq. Sinniussanut killiliussat ullut 30-iupput. Suleriaasissami § 56, imm. 4 naapertorlugu paasisutissat Inatsisartut nittartagaanni tamanut saqqummiunneqassapput.

Inuussutissarsiutit aningaasaqarnikkullu soqutigisat pillugit immersugassaq pissusissamisoorloq uani nassaarineqarsinnaavoq; intra.ina.gl/immersugassat, taannalu qarasaasiakkut immersorneqassaaq. Immersugassat immersorsimasut Allattoqarfimmi Siulittaasoqarfiup allatseqarfianut tunniunneqassapput.

Nalunaarsuinngitsoornerit ilaannut kingunerisassat suleriaatsimi § 4a-mi

aalajangersagaapput. Piffissaq eqqorlugu tunniussinngitsoorneq qinigaasunut tapiissutinik tapiissutinillu allanik pissarsinngitsoornermik kinguneqarsinnaavoq. Nalunaarsuinngitsoornermi imaluunniit nalunaarutigineqartut amigarpata ingasattumilluunniit amigaateqarpata qinigaatitaqarnermut tapiissutit utertinneqar-nissaat aamma piumasaqaatigineqarsinnaavoq.

Assilisinneq

Inatsisartunut ilaasortat tamarmik qinigaanerup imaluunniit Inatsisartunut iser-nerup kinguninnguatigut assiliseqqullugit qinnuigineqarput.

Assip atorineqarfissai/siunertai:

- Inatsisartut illuutaannut isisummut atugassamik
- Inatsisartunut ilaasortat www.inatsisartut.gl-imi, Inatsisartut Ukiumoortumik Nalunaarutaanni saqqummersittagaannilu allani kiisalu tusagassiutini avam-mut sammisumik kiinnernissaat.
- nunanut allanut angalanissanut tunngatillugu visumimik il.il. qinnuteqarnis-samut atugassamik.

Angallatit

Pisortat angallassissutaasa atornissaannut taarsiullugu ataatsimiiffissamut tassangalu nammineq angallatigisaq atorlugu Inatsisartunut ilaasortaq angala-rusuppat ikummatissamut aningaasartuutit tamatumunnga atorineqartut anner-toqataat periaaseq malillugu Inatsisartut Allattoqarfiata utertillugit akilertus-saavai. Pisanerq malillugu aningaasartuutit uppersaasatit ilanngussat naatsorsuuseriviup kukkunerisuiisarfiullu atugassaat saqqummiunneqassapput. Dankortimit uppersaasat erseqqinnerusumik takussutissartaqaqanngitsoq tunni-ussallugu naammanngilaq. Pisortat angallassissutaannut bilitsip akikinnerpaap-akia tamarmiusoq sipporlugu kiisalu aqqutaani pisarialimmik unnuisoqartaria-qarsimappat saniatigut aningaasartuutaasinnaasut angalanerullu sivikinnerunera pissutigalugu ullormusiassanit sipaarutaasimasinnaasut utertillugit akilerner-qarsinnaanngillat. Nammineq angallatit atornissaanik kissaateqarnerup kingu-nerisaanik bilitsit qularnaveeqquusiinerillu inniminneriikkat atortussaajunnaar-sinnerinut Inatsisartut Allattoqarfiat aningaasartuuteqartariaqarsimappat aningaasartuutit taakku aamma ilanngullugit Allattoqarfiup akiligaanut ilan-gaatigalugit naatsorsorneqassapput.

Angalanissat, unnuinissat il.il. inniminneriikkat atortussaajunnaarsinnerisigut aningaasat maangaannartinnnginnissaat siunertaralugu nammineq angallatit ator-nissaanik kissaateqarneq sapinngisamik siusissukut Inatsisartut Allattoqarfian-ut nalunaarutigineqartariaqarpoq. Nammineq angallatit atorneranut atatillugu aningaasartuutit allat, assersuutigalugu sissiukkami inissaqartitaanermut, sillimmasiissummut, isumannaatsuunermi atortut pisariallit pissarsiarinerinut, motorip iluarsaatsinneranut imaluunniit nammineq angallatit atornerata kingu-nerisaanik aningaasartuutit allanut tunngasut Inatsisartut Allattoqarfiata utertillugit akilertussaannngilai.

Ilaasortat namminneq angallatiminnik atuinermi angalanermut pisortat sillimmasiisarnerannut nalinginnaasunut ilaatinneqanngimmata immikkut erseq-qissaatigineqassaaq. Taamaattumik angalaneq aallartitsinnagu isumannaatsu-

nikkut pissutsit tamaasa qulakkeernissaat ilaasortap nammineq akisussaaffigai. Assersuutigalugu ajunaarnernut, toqumik kinguneqarnermut, umiunermut, kingu-aattoornernut, pigisat annaerannut ajoqusernerinulluunniit imaluunniit nammi-neq angallatit atornissaanik kissaateqarnerup kingunerisaanik aningaasartuutit allat Inatsisartut Allattoqarfiata akisussaaffinngilai.

Ataatsimiinnermut peqataajartorluni peqataareerner milu angalanissani pisortat angallassissutaasa atornissaannut taarsiullugu Inatsisartunut ilaasortaq umiat-siamik attartukkamik atuerusuppat tassani attartornermut aningaasartuutit periaaseq malillugu Allattoqarfiup utertillugit akilissavai. Aningaasartuutit uppersaasatit ilanngussat pisanerut saqqummiunneqassapput. Pisortat assartuutaannut bilitsi akikinnerpaq atorlugu angalanerup akissaralua qaanger-lugu aningaasartuutit angalanermilu akunnittarfimmi/ umiartortut angerlarsimaffianni unnuisoqartariaqarsimappat akilikkanut aningaasartuutit utertillugit akilernerqarsinnaanngillat. Umiatsiamik attartornerup kingunerisaanik bilitsit qularnaveeqquusiinerilluunniit inniminneriikkat atortussaajunnaarsinneranni Allattoqarfik aningaasartuuteqartariaqarsimappat aningaasartuutit taakku Allattoqarfiup akilersimasai utertillugit akilersinneqassapput. Umiatsiat angal-lassisinnanermut akuerisaasut (umiatsiat P-mik akuerisaasunik taaneqartar-tut) kisiisa attartortarnissat ilaasortap nammineq akisussaaffigaa. Ilaasortarli taamaakkaluortoq umiatsiamik P-mik akuerisaanngitsumik attartorpat tamanna ilaasortap nammineq akisussaaffigissavaa. Taamatut umiartornerit Allattoqar-fiup sillimmasiissutaasa matusserneq ajorpai, assersuutigalugulu umiatsiat P-mik akuerisaanngitsut atornerisigut ajunaarnerni, toqukut qimagunnerni, kinguaattoornerni, umiunerni, motoriarnerneq, pigisat annaeranni ajoquserne-rinilluunniit aningaasartuutit aningaasartuutilluunniit allat akilernissaat Allat-toqarfiup akisussaaffigisinnaanngilai.

Umiatsianik attartornerneq suniluunniit KNAPK-p akigitassatut najoqqutassiaasa qaangerneqannginnissaat qulakkeerniarneqartariaqarpoq.

Isissutissat/matuersaatit

Inatsisartunut ilaasortanngornermi Inatsisartut illuutaannut isissutissat matuersaatillu tunniunneqassapput. Taakku marluusut tamarmik inummut tunngalluinnartuupput inunnullu allanut tunniunneqartussaananik. Isissutissat matuersaatilluunniit tammarneqarpata tamanna ingerlaannaq Sullissinnermut immikkoortortamut nalunaarutigineqassaaq. Isissutissaq matunut silarlernut matullu ilorliit ilaannut atugassaapput, matuersaatilli nalinginnaasumik allaf-figisat matuinit atorineqartarlutik. Ilaasortat tamarmik immikkut Inatsisartut torsuusaannut, namminneq allaffiminnut aamma partiit atortorissaarutaate-qarfiinut isersinnaapput.

Allaffiit nalinginnaasumik ammasarfiisa avataanni isissutissaq kode isissutis-samik piginnittut inuttut normuisa kingulliinik sisamanik normutalik kipparis-sumillu naggasigassaq atorineqassaaq. Isissutissamik /matuersaatinik atuinerit nalunaarsorneqartarput.

Matuersaatit ingerlaavartumik immerneqartassapput, siunertamut tassunga karsit ivertitat saaffiginnittarfiup tunuani iikkamiipput.

Isissutissaq matuersaatillu Sullissinnermut immikkoortortamit tunniunneqassapput aamma tassunga isissutissat katatat, kukkusut assigisaannilluunniit ajoqutilit saaffiginnissutigineqassapput.

Ineqartitaaneq

Ilaasortat Nuup avataaneersut Inatsisartut ataatsimiinneranni inissamik Inatsisartut Allattoqarfiannit atugassinneqassapput. Erseqqinnerusumik paasisa qarumallutit intra.ina.gl-imi quppersagaq una takuuk; **Inatsisartut ataatsimiinnerisa nalaanni ineqartitaaneq.**

Nuummi ineqarnermut neqeroorutit quppersakkami uani takukkit; **Aningaasarsiaqartitaaneq ineqartitaanerlu.**

Allaffik pissutsillu sulinermut tunngasut

Inatsisartunut ilaasortat tamarmik partiit torsuusaanni allaffimmik atuisinnaatitaapput. Allaffimmiippat atortut nalinginnaasut soorlu oqarasuaat, qarasaasiaq, nerrivik, issiavik, allagarsiivik, saagut il.il. Tamakku saniatigut ilaasortat tamarmik allaffimminnik aqqissuussinissaminnut tikilluaqqusaapput. Pequtit immikkut ittut atugassiussutigineqanngillat. Partiit torsuusaanni allaffinnut tunngatillugu kissaatigisat tamarmik Inatsisartut Allattoqarfiannit sapinngisamik akuersaarniarneqartarput. Inilli killiliisuupput. Pequtit, atortut il.il. ilaasortanut aamma partiit allatseqarfiinut atukkiunneqartut tamarmik Allattoqarfiup pigisaatut isigineqarput taamaattumillu aallaavittut ininit pineqartunit peerneqartussaanaatik. Pequtit, atortut il.il. ilaasortat Inatsisartuni sulinerminnut attuumasuteqartillugit taamaallaat atorsinnaavaat, taamaattumillu Allattoqarfiup pigisai assersuutigalugu namminersorluni inuussutissarsiuutigisanut atorneqaqqusaanngillat. Atornerluisoqartillugu pequtit, atortunik il.il. arsarinnittoqassaaq.

Amerlisaatit (kopimaskiner), tassunga ilanngullugit blækit, papilissat il.il. partiit torsuusaannut inissinneqarsimasut partiit allatseqarfiinut nammineq aqunneqarput.

Pulaartut

Inatsisartuni isumannaallisaaneq pillugu malittarisassat naapertorlugit pulaartut tamatigut ingiaqatigineqartassapput. Partiit allatseqarfiini ataasiakkaani Inatsisartunut ilaasortat ataasiakkaat pulaartut isaarissap eqqaanut aasassavaat tamatumalu kingorna anilerpata aamma qanillugit. Pulaartut ingiaqateqaratik namminneq angalaassanngillat.

Visitkortit

Inatsisartunut ilaasortaviit sivisunerumilluunniit sinniisaasut visitkortinik inniminniissaminnut periaqarfissaqarput. Visitkortit nutaanngitsut nunguppata aatsaat visitkortinik nutaamik inniminniisoqarqissaaq (tamanna ilaasortaasimasunut qinigaqqittunullu aamma atuuppoq). Allaffissornikkut aningaasartuutit ikilisaajumalluni ataatsimut inniminniisoqartarpoq, taamaattumik inniminnikkat tigusinnaannut sapaatit akunneri arlallit ingerlasinnaasarput. Visitkortit ilusissasiumut aalajangerneqareertarpoq. Paasisutissat www.ina.gl-imit tiguneqassapput, paasisutissallu taakku ilaasortat ataasiakkaat namminneq Inatsisartut Allattoqarfiannut paasisutissiinnerannik tunngaveqarput. Visitkortimut missingiut ilaasortamut pineqartumut akuersissanngorlugi nassiunneqassaaq. Visitkortit

naqinneqareerneratigut allannguutaasinnaasut kukkunerusinnaasullu iluarsineqarnissaat ilaasortat ataasiakkaat namminneq akisussaaffigaat, ilaasortap visitkort taamatut paasisutissartalerlugu akuersimappagu.

Inatsisartut ilisarnaataat namminerisamik visitkortinut atorneqassanngilaq.

Visitkortinik inniminniissut ina@ina.gl-imut nassiunneqassaaq.

Allagaasivik

Inatsisartunut ilaasortat partiillu tamarmik inini qullerni allagaasivimmik tunineqassapput. Allakkat Inatsisartut Allattoqarfiannit tiguneqartut aamma Allattoqarfimmit ilaasortanut /partiunut nassiunneqartut tassani agguanneqartarput. Ilaasortat /partiit tamarmik allagaasivimmik ingerlaavartumik imaartarnissaat namminneq akisussaaffigaat. Inatsisartunit ataatsimiititalianillu allakkanik allanillu nassitsinermit aningaasartuutit Aningaasanut Inatsimmi Inatsisartunut aningaasaliissutit matussuserneqartarput. Ilaasortat namminerisaminnik allakkanik/poortukanik Inatsisartut aqutugalugit nassitsinnaanngillat. Ilaasortat namminerminnut Inatsisartutigoorlugi nassiussanik tigusinnaanerit nalinginnaasumik akuersaavoq. Tamanna tigusisussap nammineq akisussaaffigisaanik pissaq, adressellu allasimaffiani qullertut tigusisussap aqqa allasimassalluni. Allakkisartut (betjentit) Inatsisartullu Allattoqarfiat allakkanut/poortukkanut tammartunut akisussaannngillat.

Inatsisartut ataatsimiinneranni atortussat aallaavittut kalaallisut danskisullu tiguneqartarput. Ilaasortalli atortussanik kalaallisuinnarnik imaluunniit danskisuuinnarnik tuginissartik qinnuteqaatigisinnaavaat, soorlutaaq ilaasortat atortussanik elektroniskinnarnik tuginissartik toqqarsinnaagaat, tamanna ajornanngippat. Taamatut qinnuteqaatit Sullissinermit immikkoortortamut nassiunneqassapput.

Kaffisortarfik

Inatsisartut kaffisortarfiat Inatsisartut ataatsimiittarfiata ataani inissisimavoq. Kaffisortarfik Inatsisartunut aamma Naalakkersuisunut ilaasortanuinaq Inatsisartut ataatsimiinneranni (amma ataatsimiinnerisa avataanni) persuarsiorani ataatsimuulaarfissatut eqqarsaataavoq.

Allat, tassunga ilanngullugit ilaqqat meeqqallu pulaartut, taamaallutik aallaavittut kaffisortarfimmik atueqqusaanngillat. Malittarisassanik unioqqutitsisoqartillugu pulaartut Inatsisartunut / Naalakkersuisunut ilaasortamut pulaartitsisuusumit ingiaqateqassapput. Pulaartut kaffisortarfimmik atuisunut allanut akornutaassanngillat.

Angalasarnerit

Immikkorluinaq pisoqartillugu piffissaalluartillugulu Allattoqarfik siumoortumik isumaqatigiissuteqarfigineqarsimatinnagu Inatsisartut ataatsimiinnerannut peqataajartornermi peqataareernermit angalanerni kiisalu ataatsimiititaliat angalanerini il.il. nassat at oqimaannerussutaannut aningaasartuutit Allattoqarfiup utertillugit akilgassarinnngilai.

Pisortatigoortumik angalanerini ullormusiat tunniunneqartarput. Nerisaqarneq

pillugu paasissutissat angalanermut naatsorsuutitut ilanngullugit Aningaasaqarnermut immikkoortortamat nalunaarutigineqassapput. Ullormusiat, utertoortissat il.il. pillugit annertunerusumik paasisaqarusukkuit quppersagaq **Aningaasarsiaqartitaaneq ineqartitaanerlu** takuuk.

Ataatsimiititaliat il.il. angalaneranni akunnittarfimmik toqqaaneq "Pisortat suliffeqarfiutaat pillugit akunnittarfimmik isumaqatigiissutinik" tunngaveqassaaq. Ineqqat nalinginnaasut taamaallaat inniminnerneqassapput. Allattoqarfimmi ukiorpassuarni periutsit malillugit Inatsisartunut siulittaasoq kisimi inimi akisunermiissinnaatitaavoq. Tamanna Inatsisartunut aningaasartuutaanerussanngipat ineqqamik marluuttarissamik taamaallaat inniminniisoqarsinnaavoq.

Pisortatigoortumik allatulluunniit angalaneranni inuit attuumassuteqanngitsut Inatsisartunut ilaasortat Inatsisartut Allattoqarfiannit sullinneqarnerannut ilaatinneqanngillat, Inatsisartut ataatsimiinnissaannut angalanerit eqqaassanngikkaanni. Allattoqarfik immikkorluinnaq pisoqartillugu tunngavissaqavitsilugulu tamatumunnga ikiuussinnaavoq. Angalaqataasunut taamatut ittunut Inatsisartut Allattoqarfiat angalanerit aningaasartuutitut qaqugukkulluunniit akiliineq ajorpoq.

Air Greenlandimik Danmarkimut /mit angalaneranni ilaasortat nalinginnaasumik Nanoq Classimi taamaaqataaanniluunniit angallanneqartarput. Nunanut allanut angalanissami pissutsit angalanissamut qinnuteqaammut atatillugu nalilersorneqassapput. Atorfilittat angalaqataasut ilaasortat angallanneqarnerattut angallanneqassapput.

Matuma qulaaniittut periutsinik nassuiaataapput. Allattoqarfik pisuni tamani sapinngisamik assigiimmik aqutsiniartarpoq, pisunili aalajangersimasuni periutsinik allaanerusumik iliuuseqarsinnaasariaqarluni.

Ataatsimiititaliat angalasarnerat pillugit paasissutissanik amerlanerusunik pisarsiniaruit "Ataatsimiititaliat" takuuk. Ataatsimiititaliat angalaneranni ataatsimiititaliullu sulineri pillugit siunnersuutit pisortatigoortumik angalaneranni Inatsisartunut ilaasortanit peqataaffigineqartunut tamanut atuupput.

Sillimmasiissutit

Sillimmasiinnermut uppersaasatit immersugassat assigiinngitsut il.il. pillugit paasissutissat erseqqinnerusut uani takukkit; **intra.ina.gl**

Pikkorissartarnerit

Qinersisoqareerpat Inatsisartunut ilaasortanngortut tamarmik Inatsisartut Allattoqarfiannit ilisarititsilluni pikkorissartitsinermik neqeroorfigineqassapput. Pikkorissartitsinissat attuumassuteqartut assigiinngitsut ilaasortanut partiillu allattaannut ingerlaavartumik neqeroortigineqartarput.

Pissutsit qarasaasiaqarnermut tunngasut

Inatsisartunut ilaasortanngornermi ilaasortanngortut tamarmik atuisutut taaguutitaassapput, taannalu qarasaasiamut, mailimut, intranetimut il.il. isissutissat atorneqassaaq. Isissutissaq qarasaasiamut iseqqaarnermi pilersinneqassaaq isertuussaalluinnartuussallunilu. Isissutissaq allanneqassanngilaq allanullu

tunniunneqassanani. Aaqqissuunneqarnerani atuisutut taaguutit toqqammaviusaaq taamaallillunilu qarasaasiamut aalajangersimasumut pituttorsimassanani. Taamaallilit qarasaasiaq sunaluunniit atoraluarukku aaqqissuunneqarnera taannaassaaq.

Partiit allatseqarfiini sulisut aamma taamatut isissutissanik tunineqassapput. Atuisutulli isissutissaq sulisunut Inatsisartuni Inatsisartoqarneq tunngavigalugu toqqaannartumik suliaqartunut taamaallaat tunniunneqassaaq. Taamaallilluni inuit taaneqartut saniatigut allat avataaniittut atuisutut pilersinneqarsinnaanngillat imaluunniit atorussaannik atugassinneqarsinnaanatik, soorlu partiit inuusuttunut immikkoortortaqarfiini ilaasortat.

Qarasaasiat allaffinni ataasiakkaaniittut LAN-imik attaveqaaserneqarsinnaapput. Tamatuma saniatigut Inatsisartut illuutaanni silaannakkoortumik internettimut attavilerfeqarpoq. Attaveqaatinut silaannakkoortunut ilitsersuut intra.ina.gl-imiippoq. Inatsisartut illuutaasa avataanni ilaasortat ataasiakkaat internettimut attavilersinnissartik tamatumunngalu aningaasartuuteqarsinnaanertik namminneq akisussaaffigaat.

Filit sulininnut attuumassutillit qarasaasianni c-drevimut (aamma umeruamut) toqqussanngilatit, tassami drevi taanna isumannaallisaalluni toqqorneqarneq ajorpat, taamaattumillu qarasaasiap qarasaanik ajutoornermi paasissutissat tamarneqassapput. Taarsiullugu f-drev atoruk, taanna attaveqaatiniippoq. F-drevimik atuisut partiikkuutaanut agguataagaapput, taamaallilit partiit allat paasissutissaataannut isertoqarsinnaanani. F-drev isumannaallisarlugu toqqorneqartarpoq.

F-drev filinut sulinerit attuumassutillinnut taamaallaat atorneqassaaq. Nipilersukkat, assit filillu allat sulinerit attuumassuteqanngitsut pisariaqartinneqarpat qarasaasiap c-drevianut taamaallaat toqqorneqartariaqarput. Nipilersukkat, filmit assillu nalinginnaasumik aserfallatsaaliuineri f-drevimit peerneqarnissat naatsorsuutigineqarsinnaavoq.

Namminerisamik filinik aallertarneq qarasaasiaqarnikkut isumannaallisaaneq eqqarsaatigalugu killeqartinneqassasoq kaammattuutigineqarpoq kiisalu mailinut, nalunaarutinut aamma inuit attaveqaataasigut il.il. nalunaarutit pasinartut pillugit mianersornissaq nalinginnaasumik eqqumaffigineqartariaqarluni. Taamaallilit inunnit ilisimaneqanngitsunit imaluunniit kinaassusersineqarsinnaanngitsunit mailinut kakkiussat, innersuussat assigisaallu ammarneqartariaqanngillat. Tamakku saniatigut innersuussat aamma mailinut kakkiussat ammarneqassanngillat, nalunaarut nassitsisumit nammineq oqaaseqatigiillor-neqarsimasoq malinnaatinneqanngippat. Virusit saassuserannik pasitsaasat ingerlaannaq Allattoqarfiup qarasaasiaqarneq pillugu siunnersortaanut nalunaarutigineqassapput, taannalu sulinnngippat Sullissinerit immikkoortortamat. Tamatuma saniatigut qarasaasiaqarnikkut isumannaallisaaneq pillugu Inatsisartut Allattoqarfiannit ingerlaavartumik kaammattuutit malinneqassapput.

Qarasaasiat pillugit saaffiginnissutit qarasaasiaqarnikkut siunnersortimut nassiunneqartassapput. Namminerisamik atorunik ikiunnerit, ikkussuinerit il.il. aamma Inatsisartut illuutaasa avataanni ikiunnerit neqeroortigineqarneq

ajorput (sulinermut atatillugu qarasaasiaaqqatigut e-mailimik atuinerup avataaniittut).

Atortut elektroniskiusut

Inatsisartunut ilaasortat allaffimmini qarasaasiamik programminillu assigiingitsunik atorsinnaasaminnik atugassinneqassapput. Atortut nalinginnaasut aalajangersarneqarsimangitsut atugassiissutigineqarneq ajorput, soorluttaaq atortunut nalinginnaasuungitsunut ikiuttoqarneq ajortoq.

Partiinut tamanut ataatsimoortumik naqiterissutip (printer) saniatigut partiit ataasiakkaat naqiterissummik atugassaqartitaapput. Naqiterissut nammineq sulinermut attuumassuteqanngitsunik atugassatut naqitigassanut atorneqassanngilaq – atortunik atornerluineq piffissap ilaani naqiterissutinik atuisinnaajunnaarsitaanermik kinguneqarsinnaavoq.

Atortut tamarmik aamma qarasaasianut atortut assigiingitsut paasissutissallu tamarmik piffissamut qinigaaffiusumut killiligaapput – taamaalluni Inatsisartunut ilaasortaajunaarnermi qarasaasianut atortut utertinneqassapput, soorluttaaq mailimut attaveqaatit il.il. matuneqartussaasut.

Qarasaasianik atortunik atukkiunneqarsimasunik tammaasaqarnerni ajoqusii-nernilu ilaasortat ataasiakkaat taarsiissuteqarnissaat naatsorsutigineqassaaq. Qarasaasianut atortut Inatsisartut pigisaattut isigineqarput, taamaattumillu isumaqatigiissut immikkut ittoq atorlugu atukkiineq atsiorlugu uppersarneqassaaq.

Kukkunerit, ikiunnerit il.il. pillugit saaffiginnissutit qarasaasialerinermit siunnersortimut nassiuunneqassapput.

E-mail / qaammatisiutit

E-mailit, e-mailinut isertaatikkut nalinginnaasukkut iserfigineqartarput (standard e-mail klienten), taanna aamma qaammatisiummik imaqarpoq. Inatsisartut attaveqaataannik qarasaasiaannillu atuinerni saniatigut isissutissat allat pisariaqanngillat. E-mailikkut qaammatisiut pinngitsoorani atueqartussaavoq. Inatsisartut Allattoqarfianit najukkanut nalunaarsuiffimmu Inatsisartuni e-mailit tamarmiusut nalunaarsorneqarnerannik imaqartumut e-mail atorlugu iserneq ajornanngilaq, tassunga ilanngullugu qitiusumik allaffeqarfimmu.

Post.ina.gl-ikkut e-mailinut qaammatisiutinullu avataaniit isertoqarsinnaavoq. E-mailinut qaammatisiutinullu isertaat angallattakkanut oqarasuaatinullu ikkunneqarsinnaavoq. Taassuma ikkunneqarnissaa pillugu qarasaasiaqarnermut siunnersorti attaveqarfigneqassaaq.

E-mailimi programmit atorlugit ataatsimiinnissamik inniminniisoqartarpoq. Marloraammik inniminniisarnerit pinngitsoortinniarlugit ilaasortat qaammatisiutini namminneq isumaqatigiissutigisimasatik allattassagaat kaammattuutigineqarpoq, Inatsisartut Allattoqarfianit ataatsimiinnissanut inniminniinerit akineqarnerisa saniatigut. Tamatuma saniatigut ataatsimiinnissanut inniminnienerit suliassanut partiinut attuumassuteqartunut atoqqullugit partiit allatseqarfii kaammattorneqarput.

Taasissutissat

Taasissutissat Inatsisartunut aamma Naalakkersuisunut ilaasortanut tamanut qarasaasialerinermit siunnersortimit tunniunneqassapput. Tunniussineq isumaqatigiissummum immikkut ittumut atsiorlugu uppersarneqassaaq.

Taasissutissaq inummut tunngalluinnartuuvuq taamaattumillu qaqugukkulluunniit inunnut allanut tunniunneqartussaanan. Taasissutissamik atornerluineq Inatsisartut ileqqorissaarneq pillugu malittarisassaannik unioqqutitsinerit isigineqarsinnaavoq aammalu piffissami ullut 14-it angullugit sivissusulimmi Inatsisartut akissarsiaqaataanngitsumik mattunneqarnermik kinguneqarsinnaalluni.

Taasissutissaq ilaasortat ataasiakkaat Inatsisartut ataatsimiittarfianni issiaviisa saavanniittumut taasinermut atortumut ikkunneqassaaq taasinerni oqaaseqarnissamillu qinnuteqarnermi atorneqartussanngorluni. Taasissutissaq Inatsisartut ataatsimiittarfiannut isernermi ikkunneqassaaq ataatsimiittarfiimmullu piffissami sivikkaluamiluunniit qimanneqassanan.

Taasissutissat tammaasat ingerlaanaq qarasaasiaqarnermut siunnersortimut imaluunniit Inatsisartut Allattoqarfianut nalunaarutigineqassapput.

Nittartagaq aamma nittartagaq matoqqasoq (intranet)

Inatsisartut namminneq www.ina.gl-imi imaluunniit www.inatsisartut.gl-imi nittartagaqarput. Tassani Inatsisartut ataatsimiinnissaanni atortussat nassaassapput (siunnersuutit, isumaliutissiissutit, partiinit oqaaseqartartut ilanngussaasut il.il.). Tamatuma saniatigut paasissutissat allat attuumassuteqartut soorlu tusagassiorfinnut nalunaarutit, ataatsimiititaliat katitigaanerit, attaveqarfissat pillugit paasissutissat il.il. pigineqarput.

Intra.ina.gl-imi matoqqasumik nittartagaqarpoq (intranet). Tassani Inatsisartut nittartagaasa imarisaasa saniatigut paasissutissat illup iluaneersut nassaassapput – ilaatigut immersuiffissat assigiingitsut, sillimmasiissutit il.il. Tamakku saniatigut qarasaasiakkoortumik atuagaateqarfeqarpoq.


Qarasaasiakkut atuagaateqarfik

Matoqqasumik nittartakkakkut ilaasortat, sulisut partiillu allatseqarfii tamarmik qarasaasiakkut atuagaateqarfimmu isersinnaapput. Qarasaasiakkut atuagaateqarfik Naalakkersuisut allallu attuumassuteqartut misissuinerannik assigisaannillu 400-t sinneqartunik tamanut saqqummiunneqarsimasunik katersaateqarpoq. Naalakkersuisunit nalunaarussiaq assigisaaluunniit amigaatigineqarpat ataatsimiititaliami allatsi imaluunniit Sullissinermit immikkoortortaq attavigineqarsinnaavoq.


Aamma matoqqasumik nittartakkamiippu Inatsisartut Allattoqarfianit saqqummersitat paasissutissiissutillu.

INATSIARTOQARFIK PILLUGU TAKUSSUTISSAQ

Allermi



Qulaani





Postboks 1060 · 3900 Nuuk

inatsisartut@inatsisartut.gl · www.inatsisartut.gl